





作傑媛名代歷

古
艷
情
書



行印 · 店書央中 · 海上

舊

古 豔 情 書



上海中央書局印行

古艷情書 全書一册

實價國幣

(外埠酌加寄費滙費)

校訂者 儲菊人

出版者 上海中央書店

印刷者 上海中央書店

發行者 沈東海

總發行所 上海四馬路
上海中央書店

(全國各大書局均有代售)

民國三十六年八月再版

古豔情書目錄

西王母訊上元夫人	一
上元夫人答西王母	一
麻姑答王方平	一
卓文君與司馬相如	二
王嬙上漢元帝	二
王嬙又報元帝書	四
趙飛燕上成帝書	五
趙昭儀上姊后書	五
竇元妻與夫別書	六
徐淑答夫書	六
徐淑又報嘉書	七
卞后與楊太尉夫人	七
袁夫人答卞夫人	八
衛鑠與師書	八

魏夫人授楊羲書	九
孫氏答夫許邁	九
謝氏貽王肅書	〇
宏夜姝謝東宮賚合心花釵啓	一
宏夜姝謝東宮賚錦啓	一
崔鶯鶯答元微之	二
劉國容與郭昭述	三
步非烟答趙生書	三
劉后別徽宗書	四
紫竹遺方喬書	四
賈娉娉致魏高言	五
吳氏與陳僖書	五
吳氏又與鄭子書	五
吳氏臨終遺鄭子書	六

國家圖書館



001688969

徐安生與陳郎永訣書	一六
薛蕙英寄鄭生書	一七
周庚與仲嫂書	一七
周庚與夫書	一八
周庚又與夫書	一八
小青寄某夫人	一八
吳柏寄呂家姊	二〇
吳柏又寄呂家姊書	二〇
吳柏寄毛家姊書	二〇
徐媛與姑母夫人	二一
徐媛錄詞寄從弟夫人	二一
徐媛與仲容弟	二一
徐媛又與仲容弟	二二
錢馮嫺邀林亞清夫人	二二
錢馮嫺與柴季嫺表妹書	二三
錢馮嫺答同社諸夫人	二三

胡瑞娘上李公子	二三
沈嫩兒寄施子野	二五
昔依與汪然明	二五
昔依又與汪然明	二六
昔依寄某書	二六
柳兒遺文郎書	二六
柳兒遺文郎永別書	二八
類若璞與張夫人	二八
顧若璞與胞弟書	二九
錢鳳綸與孀母馮夫人	三〇
錢鳳綸又與孀馮夫人	三〇
王嬌鸞與周廷章	三〇
徐德音出都留別林亞清夫人	三一
商景蘭示媳書	三二
董夜來寄施子野	三二
劉梅如寄所知書	三三

林以寧答李端明	三三
周浣月與姊書	三三
金蕊謝李夫人書	三四
小愛復薛楚望	三四
李淑昭與林亞清書	三五
趙芬與汪六羽	三五
沈素瓊復吳偉英	三五
許后上漢成帝書	三六
班倖仔報諸姪書	三七
徐淑與兄弟書	三八
陳璠答舅母書	三八
陳璠與妹劉氏書	三九
孫瓊與虞定夫人書	四〇
孫瓊與從弟孝徵書	四〇
劉娥上劉聰書	四〇
劉英媛乞歸王氏書	四一

閻姬遺子書	四二
盧氏訓子書	四四
武后賜少林寺僧書	四四
鮑君徽乞歸書	四五
李清照謝中書舍人綦崇禮啓	四六
李氏託孤母氏書	四六
吳扶陽與內外親永訣書	四七
馬湘蘭與王伯穀書九首	四七
霍氏守寶莊曉兵士血書	五一
王氏彌留書	五二
李香君在南都私寄侯公子書	五三
趙氏殉難前諭遣婢僕書	五四
趙氏託幼孫諭老僕柳恩書	五五
瞿夫人論兵機書	五五
易暎娘臨終留訣父母書	五六
翁氏由東洋致夫書	五八

董氏訓子書……………五八

劉氏寄女珍書二首……………五九

陳圓圓辭妃位書……………六一

孔四貞致孫延齡書……………六一

歸懋儀寄映藜四叔父書……………六二

歸懋儀答曹夫人書……………六三

歸懋儀寄華山弟書……………六三

歸懋儀答香卿夫人書……………六四

歸懋儀致胥燕亭大令書……………六四

歸懋儀復吳星槎別駕書……………六五

歸懋儀致何春渚徵君書……………六六

席佩蘭謝隨園先生惠香囊唾壺啓……………六六

席佩蘭上隨園夫子書三首……………六七

金逸與隨園先生書……………六九

周月尊與隨園先生書……………七〇

崑雲鳳與隨園先生書……………七一

吳清浣與隨園論用疊字法……………七二

曹靜宜臨終留別兄弟書……………七三

賀雙卿與舅書……………七四

陳雲貞寄外書……………七四

黃瓊蘭寄陳郎書……………八〇

管懷珠與夫訣書……………八一

林氏在圍城中咬指乞援書……………八二

傅鸞祥上洪秀全書……………八二

古 豔 情 書

西王母

古之仙人也。姓侯或曰姓楊。名婉。矜漢武帝時降於帝。廷命駕欲去。帝下席叩頭請留。殷勤乃遣。侍女郭密香與上之夫人相問答云云。

訊上元夫人

王九光之母敬謝。但不相見四千餘年矣。天事勞我。致以遺面。吾久不在人間。實爲臭濁。然時復可游望。以寫細念。客主對坐。悒悒不樂。夫人可暫來否。若能屈駕。常停相須。

上元夫人

名阿環。三天上元之官統。領十萬玉女名錄者也。

答西王母

阿環載拜。上問起居。遠隔絳河。擾以官事。遂替顏色。迨五千年。仰戀光潤。情係無逼。密香至。奉信。聞命之際。登當命。先被太帝君敕。使詣玄洲。校定天元。正爾暫去。如是當還。還便來席。願暫少留。

麻姑

古之女仙。建昌人。修道於牟州東南。姑餘山。漢孝桓帝時。神仙王方平降於蔡經家。使人召麻姑。使還答書云云。

答王方平

麻姑再拜。不見忽已五百餘年。尊卑有叙。修敬無階。煩信承來。在彼食頃。即到。先受命。按行蓬萊。今便暫往。如是當還。還便親覲。願來即去。

卓文君

臨邛富人卓王孫女。司馬相如素與臨邛令善。王孫治具召之時。文君新寡。好音相如。以琴心挑之。文君竊從戶窺之。心悅。夜亡奔相如。

與司馬相如

羣華競芳。五色凌素琴。尚在御而新聲代。故錦水有鴛。漢宮有木。彼木而新。嗟世之人。兮。瞽於淫而不悟。朱弦鬻明鏡。缺朝露。晞芳弦。歌白頭。吟傷離。別努力。加餐毋念妾。錦水湯湯與君長訣。

王嬙

字昭君。漢元帝宮女。後以賜呼韓邪單于。入胡為關氏。

上漢元帝

妾嬙拜別。紫氣將染邊塵。凡諸都會。班聯之士。關塞甲冑之戍。無不上譽聖明。以為輕色而重信也。大漢天子。播德四暨。繫茲單于。畏威來朝。請臣請壻。是用稽首。陛下命擇美人。爰冊關氏。

妾不揣薄命。振衣請行。荷沐聖顧。千萬眷注。然中華之所以貴於外邦者。以其有信耳。陛下豈以一女子失信於呼韓邪哉。承命以來。馳車而至漢關矣。陛下亦鑒而憐之。豪而壯之。耶。今朝廷妖氛日靖。邊陲日寧。上有明鑒之君。下有和衷之臣。而妾以一婦人。遠嫁要荒。自當朝夕納誨。賢王戒戢部長。敬供厥守。以無貽帝命。羞鼎鼎芳心。不敢委諸草莽。自古和邊興利。歷歷不數。而我高祖皇帝用劉敬策。嬪長公主爲閼氏。陛下今日令妾武故事。妾敢不竭忠盡誠。恢封疆之鴻圖。舒朝廷之隱慮乎。妾生於秭歸。父母兄弟。臣於王朝。妾雖閨處。固帝恩之遺。顰悅也。不自鄙薄。漫驕顏色。得入掖庭。邇年以來。痴衷未咏。昭陽之扇。駭情不買。長門之賦。陛下命畫工。遴筆宮人。妾自以爲鳳得梧枝。魚游碧府。得少伸忱。而畫工遽張貪喙。兼以丹青。吝筆錯點。眉花空使楊柳。泣於雪岸。芙蓉瘠於霜條。玉貌冰心。兩相怨恨。時或琵琶訴情。僅能訴人音響。不能訴人肝腸。一旦天命遙臨。妾乃酸腰而起。此正妾見奇之日也。蛾眉應妬於形影。丰采應憐於御輦。今萬里行事。主持中外大局。又非宮中爭妍效嬌之態矣。關門一字。時達天聽。君王已矣。家鄉邈矣。父母生妾不辰。費青春于寂殿。委香軀於穹廬。毋亦妾之先臣。荷重國恩。幽明

難報。故生妾以奉朝堂。異日史策青名。固亦妾遇之不幸而猶幸也。近聞陛下命搜京師畫工。下之金吾。此輩小人耳。卽萬千死罪。惜何足辱。然陛下爲天下社稷。主賜一女於外國。固以賤魂。屏栖於風霜。亦妾所甘心爲國家辦事。而何有於畫工哉。恐天下聞之。必以陛下爲戀妾之色。卽呼韓邪知之。亦不自安。願陛下憐妾之言。赦畫工之罪。則妾雖死之日。猶生之年也。妾今別矣。妾至漢關。效月支公主婚烏桓事。一拍胡笳。一曲琵琶。音薦蒼雲。腔存丹靄。上謝君王之德。下泣父母之恩。千秋萬歲。傳我陛下有女。臣嬪持節邊庭。則妾之勳名。庶幾倅霍嫫姚。媿傅介子。不猶痛快於帷幄。燕私金屋。貯嬌者哉。故妾悲而復壯。壯而又憐。敵愾勝氣。淋漓紙上。異日登燕支山。令諸婦人盡削玉顏。淡掃眉黛。奉效至尊。應不笑王嬪有此丈夫妙用也。關門漢月。以雄妾夢。生離死別。玉門無期。罔扣所陳。

又報元帝書

臣妾幸得備身禁衛。謂身依日月。死有餘芳。而失意丹青。遠竄異域。誠得捐軀報主。何敢自憐。獨惜國家黜陟。移于賤工。南望漢關。徒增愴結耳。有父有弟。惟陛下幸少憐之。

趙飛燕

長安民家女。初入陽和主家。成帝召拜婕妤。好有寵。尋册爲后。

上成帝書

臣妾久備掖庭。先承幸御。遭賜大號。積有歲時。近因始生之日。復加善視之私。特屈乘輿。俯臨東掖。久侍宴私。再承御幸。臣妾數月來。內宮盈實。月脈不流。飲食甘美。不異常日。知聖躬之在體。辨天日之入懷。虹初貫日。總是真符。龍據妾胸。茲爲嘉瑞。更期蕃育神嗣。抱日趨庭。瞻望聖明。踴躍臨賀。謹此以聞。

趙昭儀

名合德。飛燕姊。弟飛燕既承寵。并進合德。帝召見拜婕妤。好進位。昭儀寵愛過於飛燕。

上姊后書

天地交暢。貴人姊及此令吉。光登正位。爲先人休。不堪嘉豫。謹奏二十六物以賀。金屑組文茵一鋪。沉水香蓮心椀一面。五色同心大結一盤。鴛鴦萬金錦一疋。琉璃屏風一張。枕前不夜珠一枚。含香綠毛狸席一鋪。通香虎皮檀象一座。龍香握魚二首。獨搖寶蓮一鋪。七出菱花鏡一奩。精金弦環四指。若亡絳綃單衣一襲。香文羅手籍三卷。七四光雄肪髮澤一盞。紫金被褥香

爐三枚。文犀辟毒箸二雙。碧玉膏奩一合。

寶元妻

寶元平陵人帝以公主妻之故妻遂為棄婦

與夫別書

棄妻斥女敬白寶生。卑賤鄙陋。不如貴人。妾日以遠。彼日以親。何所控訴。仰呼蒼天。悲哉寶生。衣不厭新。人不。故悲不可忍。怨不可去。彼獨何人。而居我處。

徐淑

隴西秦嘉妻嘉為郡上椽淑病不能從嘉以詩贈別復寄淑書以明鏡寶釵芳香素琴贈焉淑作書答之

答夫書

知屈璋璋。應奉歲使。策名王府。觀國之光。雖失高素皓然之業。亦是仲尼執鞭之操也。自初承問。心願東還。迫疾未宜。抱歎而已。日月已盡。行有伴列。想嚴裝已辦。發邁在近。誰謂宋遠。企子望之。室邇人遐。我勞如何。深谷逶迤。而君是涉。高山岩岩。而君是越。斯亦難矣。長路悠悠。而君是踐。冰霜慘冽。而君是履。身非形影。何得動而輒俱。體非比目。何得同而不離。於是詠萱草之喻。以消兩家之思。割今日之恨。以待將來之歡。今適樂土。優遊京邑。觀王都之壯麗。察天下之

珍妙得無日玩意移。往而不能出耶。

又報嘉書

既惠令音。兼賜諸物。厚顧殷勤。出於非望。鏡有文彩之麗。釵有殊異之觀。芳香既珍。素琴益好。惠異物於鄙陋。割所珍以相賜。非豐恩之厚。孰肯若斯。覽鏡執釵。情想髣髴。操琴咏詩。思心成結。勅以芳香馥身。喻以明鏡鑑形。此言過矣。未獲我心也。昔詩人有飛蓬之感。婕妤有誰榮之嘆。素琴之作。當須君歸。明鏡之鑑。當待君還。未奉光儀。則寶釵不列也。未侍帷帳。則芳香不發也。

卞后

瑯琊開陽人
魏文帝母也

與楊太尉夫人

卞頓首。貴門不遺。賢郎輔佐。每感篤念。情在凝至。賢郎盛德熙妙。有蓋世文才。閣門敬欽。寶用無已。方今騷擾。戎馬屢動。主簿股肱近臣。征伐之計。事須敬咨。官立金鼓之節。而聞命違制。明公性急忿然。在外輒行軍法。卞姓當時亦所不知。聞之心肝塗地。驚愕斷絕。悼痛酷楚。情不自

勝。夫人多容。即見垂恕。故送衣服一籠。文絹一疋。房子官錦百觔。私所乘香車一乘。牛一頭。誠知微細。以達往意。望為承納。

袁夫人

太尉楊彪妻

答卞夫人

彪袁氏頓首。路岐雖近。不展淹久。歎想之勞。情抱山積。曹公匡濟天下。遐邇以寧。四海歸仰。莫不感戴。小兒疏細。謬承采拾。未有上報。果自招罪戾。念之痛楚。五內傷裂。尊意不遺。伏辱惠告。見明公與太尉書。具知委曲。度子之行。不過父母。小兒違越。分應至此。念其始立之年。畢命埃土。遺有孤幼。言之崩潰。明公所賜已多。又加重賚。禮頗非宜。荷受輒付往信。

衛鑠

字茂猗。晉汝陰太守李矩妻。善書。王逸少嘗師事之。著有筆陣圖。

與師書

衛稽首。和南近奉勅。寫急就章。遂不得與師書耳。但衛隨世所學。規模鍾繇。遂歷多載。年廿。著詩論草隸通解。不敢上呈。衛有一弟子王逸少。甚能學衛真書。咄咄逼人。筆勢洞精。字體適媚。

師可詣晉尚書館書耳。仰憑玉鑑。大不可言。弟子衛氏和南。

魏夫人

名華。存任城人。司徒劇陽文康公舒之女。幼而好道。志慕神仙。味真耽元。欲求冲舉。常服胡麻散。茯苓丸。以晉咸和九年甲戌太乙元仙遣廳車來迎。夫

人乃託劍化形而去。徑入洛陽山中。

授楊羲書

若夫仰擲雲輪。總轡太空。手攜宵烟。足陟玉庭。身昇帝闕。披寶喻青。論九元之逸度。沉萬椿之長生。真言元朗。高譚玉清。今則迴靈塵埃。訓我弟子。周目五濁。勞神臭腥。子所營者道。研味者妙。道妙既得。吾子加之。慮斯蕩散。念且慎之。

孫氏

吳郡散騎常侍孫宏女。句容人。許邁之妻。邁總角好道。立精舍於懸溜山。惟朔望時。節還家。定省父母。既終。乃遣妻還家。為書以謝。絕之。孫作書答邁。以永和

三年入臨安西山

答夫許邁

愚下不才。侍執巾櫛。榮華福祿。相與共之。如何君子。駕其大義。輕見斥逐。若以此處遐曠。非嬾人所便。昔梁生陟嶺。孟光是攜。蕭史登臺。秦女不舍。衛人脩義。夫妻同行。老萊逃名。伉儷俱逝。

豈非古人嘉遯之舉者許君乖離矣。

謝氏

江南人齊祕書丞瑯琊王肅之妻及肅北歸後魏爲尙書令復尙公主謝氏入道爲尼以詩贈肅肅爲造正覺寺以愬之

貽王肅書

妾以陋姿。獲侍巾櫛。結褵之後。心協琴瑟。每從刺繡之餘。間及詩歌之事。養鳳嘴以聯吟。燕龍涎而弔古。當此之時。君懷金石之貞。妾慕松筠之節。雖菡萏之並蒂。比翼之雙飛。未足方其情誼也。頃緣讒隙之生。遠適異國。猶憶臨歧分袂。言與涕零。親戚送者。皆爲感歎。嗚呼。歲月易遷。山川間隔。君留薊北。妾在江南。鴻帛杳然。魚書不至。言念及此。未嘗不顧影徘徊。泣數行下也。邇年以來。益復情懷。恍惚鏡臺寂寞。披覽往牒。見畫眉之勝事。則膏沐無光。想舉案之休風。則珍羞不旨。閱未終篇。廢書長想。春花空豔。秋月徒圓。子規時助其哀。寒蛩亦增其戚。秦嘉徐淑。豈伊異人。妾之薄命。一至於斯。前者北使至南。聞君爵列尙書。聯姻帝室。夫尙書爲喉舌之司。典領樞機。參贊庶務。銀章紫綬。焜耀一時。况以蕭史之才名。配弄玉之芳姿。或攜手於花前。或彈琴於月下。迴視牛衣對泣之日。不啻人間天上。獨可歎者。既有絲麻。遂棄菅蒯。糟糠之妻。白

首飲恨。使宋宏高義。專美千秋。妾獨何心。能不悲哉。嗚呼已矣。衰秋蒲柳。倍加憔悴。昔日纏綿。總成幻影。感連理之分枝。悼盛衰之變態。晨鐘一叩。萬境皆空。自茲而往。妾惟繡佛長齋。參稽三乘。借菩提之揚枝。洗鉛華之繁豔。豈更盼鸞鷖於水中。望鴛鴦於塘上乎。但念機之上絲。本爲箔上之蠶。雖云得絡。詎屬無情。况修途困頓。達人所憐。不敢望竇滔之迎。庶少鑒若蘭之志。得假片刻。以罄鄙懷。妾之願也。惟君圖之。

宏夜姝

梁元帝妃

謝東宮賚合心花釵啓

未得投壺。先應含笑。不因鸞鳳。自能歌舞。夜姝昔住陽臺。雖逢四照。曾遊澧浦。慣識九衢。未有仍代爵釵。還勝翠羽。飾以南金。裝茲麗玉。脩縻夫人。本分章華之裏。中山孺子。獨荷春官之恩。有志當熊。無期投閣。

又謝東宮賚錦啓

舒將非石。堪來暮雨。縈持結纜。剩可蕩舟。秦川書字。妙能八體。鄴縣登高。真堪九上。宋姬贈馬。

未足以榮馮媛乘車。方茲非寵。

崔鶯鶯

字雙文永寧尉崔鵬女顏色豔異尤工文詞與元稹為中表適同寓河東曾救寺時軍人大擾稹屬將黨護之崔免於難崔母鄭夫人命崔出謝稹心動

誘其侍女紅娘以詞挑之遂通焉明年稹赴長安文戰不利久不至而崔竟委身於人稹至以外兄求見崔不出以詩絕之稹怒而作會真記云

答元微之

捧覽來問。撫愛過深。兒女之情。悲喜交集。兼惠花勝一合。口脂五寸。致耀首膏唇之飾。雖荷殊恩。誰復為容。覩物增懷。但積悲歎耳。伏承使於京中就業。進修之道。固在便安。但恨僻陋之人。永以遐棄。命也如此。知復何言。自去秋以來。嘗忽忽如有所失。於誼誥之下。或勉為笑語。聞宵自處。無不淚零。乃至夢寐之間。亦多叙感咽離憂之思。綢繆繾綣。暫若尋常。幽會未終。驚魂已斷。雖半衾如暖。而思之甚遙。憶昨拜辭。倏逾舊歲。長安行樂之地。觸緒牽情。何幸不忘幽微。眷念無斃。鄙薄之志。無以奉酬。至於終始之盟。則固不忒。鄙昔日中表相因。或同宴處。婢僕見誘。遂致私誠。兒女之情。不能自固。君子有援琴之挑。鄙人無投梭之拒。及薦枕席。義盛意深。愚幼之心。永謂終託。豈其既見君子。而不能定情。致有自獻之羞。不復明侍巾櫛。沒身永恨。含歎何

言。倘。仁。人。用。心。俯。遂。幽。劣。雖。死。之。日。猶。生。之。年。如。或。達。士。略。情。捨。小。從。大。以。先。配。爲。醜。行。謂。要。盟。之。可。欺。則。當。骨。化。形。銷。丹。誠。不。泯。因。風。委。露。猶。托。清。塵。存。沒。之。情。言。盡。於。此。臨。紙。嗚。咽。情。不。能。申。千。萬。珍。重。珍。重。千。萬。玉。環。一。枚。是。兒。嬰。年。所。弄。寄。充。君。子。下。體。所。佩。玉。取。其。堅。潤。不。渝。環。取。其。始。終。不。絕。兼。亂。絲。一。絢。文。竹。茶。碾。子。一。枚。此。數。物。不。足。見。珍。意。者。欲。君。子。如。玉。之。貞。敝。志。如。環。不。解。淚。痕。在。竹。愁。緒。縈。絲。因。物。達。誠。永。以。爲。好。耳。心。邇。身。遐。拜。會。無。期。幽。憤。所。鍾。千。里。神。合。千。萬。珍。重。春。風。多。厲。強。飯。爲。佳。慎。言。自。保。無。以。鄙。爲。深。念。

劉國容

長安使有姿色能吟詩與進士郭昭述相愛後昭述授天長簿與國容相別詰日赴任國容使女僕賚以短書長安子弟多諷誦焉

與郭昭述

歡。寢。方。濃。恨。鷄。聲。之。斷。愛。恩。憐。未。洽。歎。馬。足。以。無。情。使。我。勞。心。因。君。減。食。再。期。後。會。以。結。齊。眉。

步非烟

臨淮武公業愛妾容止纖麗若不勝綺羅善秦聲好文筆尤工擊甌其韻與絲竹合趙生端秀偶于垣隙中窺見之以詩相誘非烟答東以蟬錦香囊贈之

答趙生書

下。妾。不。幸。垂。髻。而。孤。中。間。爲。媒。妁。所。欺。遂。匹。合。於。瑣。類。每。至。清。風。朗。月。移。玉。桂。以。增。懷。秋。帳。冬。

缸泛金徽而寄恨。豈期公子忽貽好音。發華絨而思飛。諷麗句而目斷。所恨洛川波隔。賈午墻高。聯雲不及于秦臺。薦夢尙遙於楚岫。猶望天從素懇。神假微機。一拜清光。九殞無恨。兼題短什。用寄幽懷。

劉后

哲宗后多才藝政和三年以后不謹聞議將廢之而后已為左右所逼即簾鉤自縊死

別徽宗書

一旦遭遇聖恩。得與嬪御之列。命分寒薄。至此天折。雖埋骨九泉。魂魄不離左右。宗廟之重。天下生靈之衆。大王帝姬之多。不可以賤妾一人。過有思念。深欲忍死。與君父訣別。謫限已盡。不得少留冤痛之情。言不能盡。

紫竹

工詞善譜有秀才方喬偶與野遇思之成疾有道士贈以古鏡曰此鏡一觸至陰留影不散子所遇少女試令照之即遂意矣喬使姬往售紫竹願影不去甚訝詢之遂與私焉父覺合為夫婦

遺方喬書

欲結赤繩。應須素節。泣珠成淚。久比鮫人。流火為期。聊同織女。春風鴛帳。裏不妨雁語。驚寒暮

雨。雀。屏。中。一。任。鷄。聲。唱。曉。

賈娉娉

字雲華錢塘人賈平章女母莫夫人與魏鵬母有指腹之約鵬謁賈買命女結為兄妹不復議婚生因娉侍婢春鴻致詞於娉私諧舊盟未幾鵬以母喪

歸娉潛與生別相持嗚咽卒以鬱鬱病死

致魏高言

妾薄命。不得奉侍左右。為久遠計。今馬首欲東。無可相驢。手製粗鞋一雙。綾襪一緉。聊表微意。庶幾步履所至。猶妾之在足下也。悠悠心事。書不盡言。伏楮緘詞。涕淚交下。不宣。

吳氏

善吟咏隣有鄭僖雅擅才華女常令姬索詞於生生賦木蘭花詞與之因從其母求婚不允以憂恨卒

與鄭僖書

屢蒙佳什。珍藏篋笥。福淺緣慳。不成好事。母命伯言。不期違背。一片真情。翻成虛意。勤讀詩書。干圖名利。故里梅花。依然夫婿。數語贈君。盈盈垂淚。

又與鄭子書

字啟多情足下。兩才相遇。方圖結于牽絲。一語敗盟。竟空成于畫餅。小詩寄恨。柔翰傳情。先人

之遺訓昭昭。曾已告約。慈母之嚴命切切。不避嬌羞。齊眉之案已休。衆口之鑠不息。龜占罔吉。雁幣却脩。鴛鴦枕上。時時淚結愁絲。蝴蝶夢中。夜夜魂驚幽悅。悵沉沉之院宇。似隔天外巫山。窺寂寂之簾櫳。甘爲長門怨女。悲莫甚矣。傷何如之。謹此申酬。伏祈注念。

臨終遺鄭子書

哀哉。古人云。春蠶到死絲方盡。蠟燭成灰淚始乾。誠哉是言也。一自女媒通好之後。妬情之輩。登奴門者日多。其說不一。奴聞之。若風過耳。但以真心而待。而周舍挾財以媚母氏。遂以一紅一書爲定。奴乃涕淚不從。兩被凌辱。以致成疾。相思之情。又何可勝言。念欲竊香相隨。奈百計不可。若此生不救。抱恨于地下。料郎之情。豈能忘乎。然妾之死。無身後累。郎若成疾。則故里梅花。青青梅子。將靠之誰乎。臨終嗚咽。不知下筆處。奴扶僮拜上。

徐安生

姑蘇人美豐容善書畫偶於河橋步月邂逅少年陳生遂與定情已而太學偵知獲陳生將鳴之官而陳生兄弟相率奪生竟斃太學隣里執詣御史御

史憐之許安爲尼以謝前罪安涕泣堅欲嫁陳御史怒論罪如律燈下乃草永訣詩千首并爲詩以別陳云

與陳郎永訣書

愧妾龕姿。沐君過寵。小星是託。皦日爲盟。方礎未了。塵緣罔意。遽成幻泡。故死生之有數。卽悲切。其何裨。况八還已悟。無還三昧。應知不昧。宿根旣淨。幽壤皆怡。獨是瓊玖未酬。一段精誠。不泯。無由執手。尤切傷心。聊識短章。代爲永訣。不得踵韓娘之題葉。或可效蕭氏之遺環。淚與情俱。語隨氣盡。千祈白玉。萬勿余珍。

薛蕙英

金閨富人女與姊蘭英俱工吟詠有鄭生者韶秀能文以通家子往謁二女子窗隙窺見戲以券子一雙投下遂薦枕席吳中好事者交傳其事爲作聯

芳樓記云

寄鄭生書

歲云暮矣。風雨淒然。言念君子。不能奮飛。江南春已歸來。拘寄一枝。以當紅豆。莫使羅浮美人。空伴嫦娥宿也。否則一聲羌笛。吹落春風。繞屋三百。恐盡是相思樹耳。祈垂注不宣。

周庚

字明煥
菑田人

與仲嫂書

三國志經嫂所點定。庚應窮其贊詞。但不解古人何所厚薄。只覺此心爲劉

與夫書

供白衣者。謂其宜男也。頂禮三年。生女益衆。始知佞佛求福之愚也。德音莫違。便是致祥之道。抑供之不必有所求耶。

又與夫書

離騷之所以妙者。在亂辭無緒。緒益亂。則憂益深。所寄益遠。古人不能自明。讀者當坐危誠正。以求然後知粹然一出於正。卽不得以奧鬱高深奇之也。

小青

武林馮雲將妾也。所謂某夫人者。進士楊廷槐妻。楊與馮親舊。夫人雅諳文史。故相憐愛。嘗欲爲作計。令脫身他歸。小青不可及。夫人從官北去。小青貽書爲訣。

寄某夫人

元元叩首。瀝血致啟。夫人台座下。關頭祖帳。迴隔人天。官舍良辰。當非寂度。馳情感往。瞻睇慈雲。分燠噓寒。如依膝下。麤身百體。未足云酌。娣娣姨姨。無恙猶憶。南樓元夜。看燈諧謔。姨指畫屏中。一憑欄。女曰。是妖嬈兒。倚風獨盼。恍惚有思。當是阿青。妾亦笑指一姬曰。此執拂。狡鬢偷近。郎側。將無似娣。於時角彩尋歡。纏綿徹曙。寧復知風流雲散。遂有今日乎。往者仙槎北渡。斷

梗南樓。信語哮聲。日焉三至。漸乃微詞含吐。亦如尊旨云云。竊揆鄙衷。未見其可。夫屠肆苦心。餓狸悲鼠。此值供其換馬。不卽辱以當壚。去則弱絮風中。住則幽蘭霜裏。蘭因絮果。現業誰深。若便祝髮空門。洗粧浣慮。而艷思綺語。觸緒紛來。正恐蓮性。雖胎荷絲。難殺又未易言此也。乃至遠笛哀秋。孤燈聽雨。雨殘笛歇。謾謾松聲。羅衣壓肌。鏡無乾影。晨淚鏡潮。夕淚鏡汐。今茲雞骨。殆復難支。痰灼肺然。見粒而嘔。錯情易意。悅憎不馴。老母娣弟。天涯問絕。嗟乎。未知生樂焉。知死悲感。促歡淹無。乃非達妾。少受天穎。機警靈速。豐茲嗇彼。理詎能雙。然而神爽有期。故未應寂寂也。至其淪忽。亦匪自今。結襦以來。有宵靡旦。夜臺滋味。諒不殊斯。何必紫玉成烟。白花飛蝶。乃謂之死哉。或軒車南返。駐節維揚。老母惠存。如妾之受。阿秦可念。幸終垂憫。疇昔珍贈。悉令見殉。寶鈿綉衣。福星所賜。可以超輪消劫耳。然小六娘竟先期相俟。不憂無伴。附呈一絕。亦是鳥語鳴哀。其詩集小像。托陳媪好藏。覓便馳寄。身不自保。何有於零膏冷翠乎。他時放船堤下。探梅山中。開吾西閣門。坐吾綠陰牀。髮生平於響像。見空幃之寂颺。是耶非耶。其人斯在。嗟乎。夫人明冥異路。永從此辭。玉腕朱顏。行就塵土。興思及此。慟也何如。元元叩首叩首上。

吳柏

寄呂家姊

白髮三千丈。此詩人鋪張語耳。泥之則是向痴人說夢也。卽如不貪夜識金銀氣。此極奇語。然須以不解解之。如必求其何以夜識。雖起老杜於九京。彼亦不能以解解也。此妹在家時習聞父兄之論。若此引伸觸類。莫可勝窮。善夫孟子之言曰。以意逆志。真千古讀詩之法。

又寄呂家姊書

織錦廻文。但聞其事。未見其辭。昨見父所錄璇璣圖詩。尺幅之間。字不及千。得三五六七言詩三千餘首。分章斷句。剖晰詳明。真奇觀也。似此巧思妙手。當有神工鬼斧。默相贊成。非關人力。竇氏郎有不相感格乎。亟宜索觀。以開闢以來未有此奇婦也。

寄毛家姊書

聞富春至湘江。百餘里間。水若練。藍山如屏。折嵐氣。青空欲滴。石子紅白。可數。水碓春雲。烟灘吼雪。此碩人之考槃。神仙之窟宅也。姊遂得飽目耶。至樂至樂。吾鄉兩峯十二橋。想爾時亦不

復懷思矣。將毋遂忘歸故土乎。

徐媛

字小淑。長洲人。副使范允臨之妻。好吟咏。與寒山陸卿子唱和。時稱吳門二大家。

與姑母夫人

朝來觀初日。散影瑤光滿天。白虹氤氳。以起還滅。俯仰宇宙。測然動心。人生如浮雲在天。變遷忽同阿閃。寧使虛負。有暇當過小園。閑玩數日。披涼颺而攬素月。啜清茗而坐綠陰。致有佳趣。不日遣板輿奉迎。幸勿見拒。

錄詞寄從弟夫人

適以客邸無聊。春草生夢。風霜驚骨。追昔感今。不勝惆悵。歎枯蟬之殞桑。感朝陽之晞露。援筆率成數語。緣賤恙不任手書。謹命代錄。呈賢夫人斧削。

與仲容弟

承賢弟篤匪他之誼。媿鄙人乏棠棣之誠。雨雪征途。匆匆遽去。旅窗瞻盼。曷任依依。寒侵板輿。得無良苦。想日下已就高居。承歡庭右。玩珠掌中。阿翁稱快樂可知矣。春來柏釀調漿。椒花獻

頌。青韶媚序。玉暖蘭閨。欣羨欣羨。別後擁爐。草成數語。少將木桃之敬。願邀明月之章。錄似詞壇。一一塗抹是望。

又與仲容弟

吾弟幼負不羈。才稱倚馬。一介南中。來館予舍。偕二三逸友。策蹇登樓。霞峯眺覽。絕徑乘皓魄歸來。漏鼓高度。潤染霜毫。立就廿四韻。精彩陸離。咄咄射目。疎櫺殘影。未移而花箋已雲爛矣。陳思王豈能推獨步乎。白雪佳章。青雲銳器。此行駿馬春花。長安柳色。冉冉炙宮袍矣。姮娥刺錦端。爲少年工耶。

錢馮嫺

字又令
錢塘人

邀林亞清夫人

連辰雨雪。令人如在冰壺。縱目遐眺。雖不似夫人千里樓之大觀。然敝居籬落間。五花堆積。頗饒野趣。詰朝剪水芹。烹雪茗。願衝寒而至。亦佳話也。倘雲衣夫人尙未言旋。是天假良晤。並望拉之同來。更快心耳。

與柴季嫺表妹書

憶違芳範。不覺星霜暗易。咫尺天涯。令人興室邇人遐之歎。所喜聞問時通。無魚沉雁杳之慮耳。昨銀鹿見過。披諷朵雲。恍聆玉屑。當炎歊蘊隆之際。驟覺謾謾風清。松濤在尺幅間也。欣快何如。

答同社諸夫人

茲辰青鳥飛來。知可以採胡麻而餐玉屑。方慰調饑之望。又何忍言他。奈何塵鞅所縛。自春迄秋。彤管未拈。胸中茅塞可知。重九喜晴。見籬菊舒黃。欲擬陶韻。至今尙未成句。益知江郎有才盡之譏。而况我輩乎。加以外賦遠遊。老姑臥恙。不能稍離左右。惟有遙企園亭。見五綵繽紛處。卽是諸夫人口吐白鳳之時。敬當揚袂舉觴。以酬珠玉也。

胡瑞娘

李氏婢

上李公子

妾幼出桑中。原同白玉。長遊李下。遂結朱顏。太夫人愛其穎慧。攜侍畫屏。老相公悅吾溫柔。命

隨角枕。翠眉始畫。常司金縷之箱。紅粉初施。竊辱流蘇之帳。自分綠衣。永娛黃髮。豈期鯉庭。目送誘以同心。萊服情通。矢言並蒂。遂忘名檢。以致奔淫。乃辭東山絲竹。更換新歌。因侍西院林幃。還翻舊舞。花間蹀躞。愛甚綠珠。月下綢繆。珍如碧玉。丹唇逐笑。春含豆蔻。之香媚眼。垂羞秋結芙蓉之實。既而夢蘭有兆。君有意于生男。抱鯉在懷。妾何心於專寵。天垂在手。之文石麟同慶。祖遂含飴之樂。銀鹿自娛。誰知敬道之妻。不忍小忿。如意之母。遂成大冤。妾既見逐。層骨不憐。子復出亡。推金誰恡。廿載分居。強作秦人之蕩婦。十年在外。反稱趙氏之孤兒。我雖怨切。迴文空上望夫之石。彼實情深。陟岵頻登。思子之臺。不謂溫清未將。先受申生之禍。箕裘欲紹。竟招吉甫之威。且死之不得。誣以爲奴。殺之未能。更囚其母。棄我如遺。則亦已矣。畜子不卒。其謂之何。桃葉桃根。雖飄零於異路。而李花李子。實生長於名園。况妾生於閨闈。不由文信之門。來自簾櫳。豈等李園之妹。倘擬鄭季實生衛青。如謂秦宮常私韓壽。則懸弧之辰。不當告族。弄璋之日。卽宜棄冰。何以數年養育。但寄程嬰。一旦歸來。卽名斐豹。樂羊之忍。豈如是乎。日禪之明。良有以也。况乎無恤承祧。不因母賤。竇滔棄婦。未爽夫賢。奚致參商聚怨。徒成浚井之譏。水火

相仇。不答下山之間。若諱衛宣之醜。欲滅急子之名。君難逃亂倫之誅。妾甘受誨淫之罪。身猶沉木。已向水邊。兒豈空桑。願歸蹊上。則雖死黃泉。猶生白日矣。

沈嫩兒

金陵伎善歌與施子野曠從人時封完舊物并寄書云云

寄施子野

清江一別。遂隔歲年。江南渭北。人遠心近。誰言雲水萍花。恐非個中人語也。別後浪遊金焦間。會有夙約。風絮便當沾泥矣。但古詩有云。生憎寶帶橋頭水。半入吳江半太湖。正不知誰淺誰深。春天雨枕。秋夜風幃。孤燈殘夢。此豈重門深鎖所能限也。悠悠此情。未知何極。春羅一段。折證相思。向寶之秘之。異香熏之。古錦襲之。只令渠見淚痕耳。未嘗敢輕出示人。雖然。今日之事。情不可割。義不可留。謹繫同心。仍送左右。豈忍等秋雲哉。但使足下謂兒爲薄倖人。以岐路視之。從此心花稍開。眉結稍慰。則委骨窮塵所甘心矣。時遺事改。生死離隔。洒淚書懷。封緘盡濕。千萬珍重。遠大爲期。膩粉柔香。不堪丈夫在意。

昔依

小字青寄

與汪然明

早來佳麗若此。又讀先生大章。覺五夜風雨淒然者。正不關風物也。羈紅恨碧使人益不勝情耳。少頃當成一詩呈政。明日欲借尊舫一向西冷兩峯。餘俱感。

又與汪然明

接教并諸台貽。始知昨宵春去矣。天涯蕩子關心殊甚。紫燕香泥落花猶重。未知尙有殷勤啓金屋者否。感甚感甚。劉晉翁雲霄之誼。使人一往情深。應是江郎所謂神交者耳。

寄某書

鵑聲雨夢。遂若與先生爲隔世遊。至歸途黯瑟。惟有輕浪萍花。與斷魂楊柳耳。回想先生深情。應如銅臺高揭。漢水西流。豈止桃花千尺也。但離別微茫。非若麻姑方平。則爲劉阮重來耳。秋間之約。尙懷耿耿。所望于先生維持之矣。便羽卽當續及。昔人相思字。每付之斷鴻聲裏。弟子先生亦正如是。書次惘然。

柳兒

字荷香。雲間文生侍兒也。因婦妬被出。著有荷香集。

遺文郎書

文生郎君足下。柳綠衣賤質。朱粉微姿。託沐清光。充於下陳。花間泣露。月下嬌風。一度相逢。幾番薄倖。自謂侍巾執拂。長過此生。暮雨朝雲。當無虛望。孰知哀生於樂。歡極而愁。行樂及期。風波頓起。釁生同席。禍始平頭。郎既湖海生涯。音書迢遞。柳遂風塵。輕薄花絮。飄零無計。侍郎有東風之兩淚。何顏辭主。落西江之一枝。石氏斛珠。非余所望。謝家團扇。從此長辭。焚筆架之珊瑚。陪牙籌之錢帛。春風秋月。已非唱和之場。烟草紅花。永絕風流之會。層層錦帳。不解恨顏。淡銀缸。獨懸秋淚。或酒醒夢回。忽然念及。或樽前鏡裏。觸意尋思。萬感交深。三生永斷。想郎之意。頗同鄙懷。但落花無返樹之期。逝雲無歸山之理。况郎壯質。以妾陋姿。使他日裘馬封侯。綺羅接席。新歡伊邇。無忘故人。郎存菅蒯之心。柳免蘼蕪之恨。則環草微忱。死生靡替者也。嗚呼。幽恨茫茫。新愁耿耿。金鳧烟冷。銀鴨香沉。黃衫之諧。非敢望矣。青衣之誚。能無恨焉。嗟乎文生。兒女柔情。去而頓遠。英雄俠骨。鍊則愈堅。四海荆榛。一身金玉。片言珍重。寸心欲絕矣。春羅一幅。荳蔻香銷。錦帶二圍。鴛鴦睡暖。懸郎下體。如見舊人。妾恨如山。侯門似海。生死之語。如斯而已。

遺文郎永別書

紅粉漂零。青衣憔悴。柔情薄命。遺恨千秋。命也何如。時乎不再。生離死別。春往秋來。黯然銷魂。悲哉永訣。一年行樂。月何事而頻虧。三月艷陽。草何心而更綠。銀缸夜夜。愁添鸚鵡之林。錦帳年年。恨積鴛鴦之塚。郎非負義。妾豈忘心。才子風流。綺羅如夢。何儂心事。雲水成塵。滄海珠歸。于今絕念。崑山玉碎。無用偷生。看路畔之蕭郎。恨河間之姹女。朱欄獨倚。綠綺空焚。已矣何言。哀哉自悼。使後人知我心者。春酒一樽。秋江兩淚。弔我於夜臺之下。則蔓草青烟。茲恨不朽。庶有以報君之恩。完郎之志。嗟乎文生。蘆花江上。柳絮樓邊。烟雨淒然。知郎心矣。郎心若此。妾恨如斯。葳蕤之鎖。九重難遮。去夢宛轉之山。千疊不斷。來愁恨耶。恨耶。寸心不忘。千里如重聞耳。新舊忽移。匪紅樓之自眩。屠沽相對。比青塚而尤哀。天乎人乎。果何道乎。

顧若璞

字和知。錢塘人。副使黃汝享子。茂梧之妻。文章節行爲。武陵閩秀之冠。著有臥月軒稿。

與張夫人

冢婦丁。從余讀唐人詩。其寄燦有云。故有愁腸不怨君語。幾于怨誹不亂矣。與燦酒間絕不語。

及家事。時爲天下畫奇計。而獨追恨於屯事之壞也。且曰。邊屯則患傍擾。官屯則患空言鮮實。事。妾與子戮力經營。倘得金錢二十萬。便當北闕上書。請淮南北間田墾萬畝。好義者引而伸之。則粟賤而餉足。兵宿飽矣。然後仍舉鹽筴。召商田塞下。如此則兵不增而餉自足。使後世稱曰。以民屯佐天子。蓋虞孝懿女實始爲之。死且瞑目矣。其言雖誇。然銷兵屯師。洒洒成議。其志良不磨。夫人許之否。

與胞弟書

夫渣云逝。骨鑠魂銷。帷殯而哭。不知死之久矣。豈能視息人世。復有所謂緣情靡麗之作耶。徒以死節易。守節難。有藐諸孤在。不敢不學古。九熊畫荻者。以俟其成。當是時。君舅方篤學西江。余復遠我父母兄弟。念不稍涉經史。奚以課藐諸而俟之成。余日惴惴。懼終負初志。以不得從夫子於九京也。於是酒漿組紆之暇。陳發所藏書。自四子經傳。以及古史鑑皇明通紀大政紀之屬。日夜披覽。如不及。二子者。從傳入內。輒令篝燈坐隅。爲陳說我所明。更相率誦。至丙夜乃罷。顧復樂之。誠不自知其瘁也。日月漸多。聞見與積。聖賢經傳。育德洗心。旁及騷雅。共諸詞

賦。遊。焉。息。焉。冀。以。自。發。其。哀。思。舒。其。憤。悶。幸。不。底。幽。憂。之。疾。而。春。鳥。夏。蟲。感。時。流。響。率。爾。操。觚。藏。諸。笥。篋。雖。然。亦。不。平。鳴。耳。詎。敢。方。古。班。左。諸。淑。媛。取。邯。鄲。學。步。之。謂。耶。

錢鳳綸

字雲衣
錢塘人

與嬸母馮夫人

聞。尊。體。違。和。以。一。城。之。隔。不。獲。遣。人。頻。候。正。憶。念。間。忽。青。鳥。啣。丹。青。飛。墮。始。知。雲。駟。已。至。西。隣。不。勝。欣。慰。承。雅。愛。病。中。染。翰。墨。龍。飛。舞。雲。中。黃。鳥。爭。鳴。竹。裏。小。屏。得。此。神。筆。光。增。百。倍。但。恐。破。壁。飛。去。每。遇。風。雨。晦。冥。自。當。着。意。護。持。耳。

又與馮夫人書

白。帝。徂。秋。金。風。頻。至。黃。花。將。蕊。桂。子。飄。香。夫。人。玉。軸。盈。筥。牙。籤。堆。几。時。而。吟。咏。時。而。臨。池。琴。瑟。在。左。丹。青。在。右。倘。伴。其。間。樂。何。如。哉。可。望。而。不。可。卽。能。不。令人。企。慕。耶。玉。體。珍。攝。定。平。復。如。舊。城。烟。尺。五。問。候。時。疎。所。懇。如。椽。想。已。寫。就。緣。借。光。小。屏。裱。工。以。望。前。告。成。故。爾。奉。促。惟。諒。之。

王嬌鸞

臨安武弁女其父遷南陽千戶有吳江周廷章者隨任南陽學署遂與私焉後周抵家別娶鸞聞之大恚遂自縊死

與周廷章

輕荷點水。弱絮飛簾。拜月亭前。懶對東風。聽杜宇。畫眉窗下。強消長晝。刺鴛鴦。人正困於妝臺。詩忽遺於香案。啓觀來意。無限幽懷。自憐薄命佳人。惱殺多情才子。一番信到。一番使妾倍支。吾幾度詩來。幾度令人添寂寞。倘得跳東牆。學攀花之手。不妨仰北斗。駕折桂之梯。眼底無媒。書中有女。自把衷情。封去札。莫將消息問來人。謹和佳篇。仰祈深諒。

徐德音

字淑則。錢塘人。博涉羣書。時目爲班姬蔡琰復生。

出都留別林亞清夫人

夫人名高。列載才擬頌椒。思可鏤空。皆成五色。筆能垂露。不待三秋。蕉社聯吟。麗藻久馳江左。墨莊成集。清詞旋達禁中。而又誼篤盍簪。情深伐木。列國縞紵之雅。比僑札而何多。寒鐙雞黍之盟。繼范張而奚讓。余也居同梓里。喜接芳鄰。爰在幼穉之年。早切景行之志。猥以作嬪太岳。遂爾辭家。滯迹蕪城。末由謀面。然而催妝之夕。曾承彤管之貽。奠雁之時。辱惠色絲之句。瓊簫璧月。思之子兮。十年畫舫。明湖望美人兮。千里比者。犬兒紀歲。玄鳥司辰。余方隨宦都門。君亦

留家燕市。宜南僦屋。經營社燕之巢。巷北停車。密邇棲鳥之署。初通問訊。恍若平生。繼覩徽儀。竟成莫逆。綦筒酒醞。共晨夕者逾時。廣廈崇旃。奉聲華者浹歲。將謂長親馨歆。永奉讌遊。豈期遽賦驪駒。旋嗟間阻。玄冥屈節。折衰柳以奚堪。青綺臨岐。撫離觴而不御。爰操柔翰。聊志離悰。深有慚於大巫。是用正之詰匠。此時小別。辭君於關山。雨雪之中。隔歲重來。俟我于禁苑。鶯花之候。盟存息壤。其在斯乎。唱徹陽關。我將往矣。

商景蘭

字媚生。會稽人。太傅周祚女適。郗彪佳中丞。伉儷相重。鄉里有金童玉女之目。

示媳書

焚棄筆墨幾三十年。偶於兒子案頭。見琴樓合稿。乃武陵張槎雲所作。槎雲才婦而孝女。故其詩忠厚和平。出自性情。有三百篇之遺意。反覆把玩。不忍釋手。因思槎雲之才。知汝輩能之。槎雲之孝。汝輩能之。槎雲之才之美。槎雲之孝之純。汝輩共勉之。

董夜來

小字月哥。金陵伎善琵琶。尤工翰。

寄施子野

詞妙雋艷無比。直愧剩粉殘紅。不堪承當耳。已付蔣三哥玉簫度之。一旦夕便新聲盈耳矣。今夜惡雨。不敢復望高車。中秋月色定佳。正足下文戰凱旋時也。幸過擎杯聽新曲。兒且手撥琵琶以待。

劉梅如

寄所知書

君重負文名。妾亦薄具慧性。千古兩人。自是情種。但不欲學世俗。佻達輩。抄襲東牆西廂舊本。粧出目傳心語腔子耳。

林以寧

字亞清
錢塘人
錢石臣室

答李端明

昨賢姊札來。匆匆裁答。不暇作楷書。殊爲不恭。翻以草書見許。譽我耶。晒我耶。倘緣茲學書。因假成真。亦未必非教我也。相知以心。相勗以道。二語。願我兩人共之。

周浣月

與姊書

陳眉公謂女子無才便是德。吾姊爛筆墨。工詩文。可稱絕世。以妹言之。雖則繡虎。嘉名實非。祥鸞本色。戒之慎之。

金蕊 字含芳

謝李夫人書

愚姊妹登山攬勝。過候興居。結構出自新裁。點綴尤饒餘韻。且明湖照映。綠樹參差。淨几無塵。琴書滿案。誠閨秀而兼名士者矣。然來白和勝。蘭麝之芳。烹就龍團。似金莖之露。况以清談洒洒。雅意殷殷。令人齒頰俱香。消除鄙吝也。蕊等何緣而得此。

小愛

復薛楚望

自蕉葉落後。送郎往小梁州。今芍藥花已開矣。妾見粉蝶兒繞繞。黃鶯兒關關。安得不罵玉郎。不作思歸引也。妾近來綉帶兒寬。褪傍妝臺。更懶畫眉。剔銀燈。夜坐不覺。哭相思。何日我郎趁。

一江風棹夜行船。歸來作調笑。令而同賞錦堂月乎。不然恐憔悴一枝花冷落。三學士矣。

李淑昭

字端明
錢塘人

與林亞清書

敝廬雖居城北。如在窮鄉。每竟日無一人至者。豈意昨絕代佳人。聯翩而來。良緣創見。得未曾有。拙稿檢出。希卽惠教。昭平生筆墨。不欲流落人間。作下酒物也。

趙芬

字仲芳

與汪六羽

呂姬金屋麗妃。璇宮佚女。不納之藻。扁黼帳。而令幽夢芳魂。狼藉于敗薪之上。有肉者均爲分痛。望以一矢下情城。俾其得所。陰德無量。

沈素瓊

復吳偉英

曩者登樓晚眺。投下青子。誤也。此實佳人擲果。憐潘岳君何事。錯把杭州作汴州。耶君欲以妾

之粧樓。作雲雨臺。以妾之青子。作因緣果。亦誤矣。誤矣。雖然。事出無意。似爲有意。來翰所云。知居之念。妾深也。明月有意而入窗。人誰隔之者。白雲無心而出岫。風則引之矣。但紅拂女投李靖。卓文君奔相如。妾不爲也。春色滿園。關不住。隔牆花影。玉人來。君知乎否。

許后

漢成帝后聰慧善史書成帝時數有災異用劉向谷永等言減省椒房掖廷用度后上書云云後以祝詛事坐廢賜死

上漢成帝書

妾誇布衣糲食。加以幼稚愚惑。不明義理。幸得免離茅屋之下。備後宮掃除。蒙過誤之寵。居非命所當託。滂穢不修。曠職尸官。數逆至法。踰越制度。當伏放流之制。不足以塞責。迺壬寅日。大長秋受詔。椒房儀法。御服輿駕。所發諸官署。及所造作。遺賜外家。羣臣妾。皆如竟寧以前故事。妾伏自念。入椒房以來。遺賜外家。未嘗踰故事。每輒決上。可覆問也。今誠時世異制。長短相補。不出漢制而已。纖微之間。未必可同。若竟寧前。與黃龍前。豈相放哉。家吏不曉。今壹受詔如此。且使妾搖手不得。今言無得發取諸官。殆謂未央宮不屬妾。不宜獨取也。言妾家府。亦不當得。妾竊惑焉。幸得賜湯沐邑。以自奉養。亦小發取其中。何害於誼而不可哉。又詔書言。服御所造。

皆如竟寧前。吏誠不能揆其意。卽且令妾被服所爲。不得不如前。設妾欲作某屏風。張於某所。曰故事無有。或不能得。則必繩妾以詔書矣。此二事誠不可行。唯陛下省察。官吏伎佞必欲自勝。幸妾尙貴時。猶以不急事操人。况今日日益侵。又獲此詔。其操約人。豈有所訴。陛下見妾在椒房。終不肯給妾纖微內邪。若不私府小取。將安所仰乎。舊故中宮乃私奪左右之賤繒。及發乘輿服繪言爲待詔補。已而貿易其中。左右多竊怨者。甚恥爲之。又故事以特牛祠大父母。戴侯敬侯皆得蒙恩以太牢祠。今當率如故事。唯陛下哀之。今吏甫受詔讀記。直豫言使后知之。非可復若私府有所取也。其萌芽所以約制妾者。恐失人理。今但損車駕及毋若未央宮有所發遺賜衣服如故事則可矣。其餘誠太迫急。奈何妾薄命。端遇竟寧前。竟寧前於今世而比之。豈可耶。故時酒肉有所賜外家。輒上表乃決。又故杜陵梁美人歲時遺酒一石肉百斤耳。妾甚少之。遺田八子。誠不可若是。事率衆多。不可勝以文陳。俟自見索言之。唯陛下深察焉。

班婕妤

成帝
婕妤

報諸姪書

託言屬見元帝所賜趙婕妤好書以相比。元帝被病無惊。但鍛鍊後宮貴人書也。類多華辭。至如成帝則推誠寫實。若家人夫婦相與書矣。何可比也。故略陳其短長。令汝曹自評之。

徐淑

秦嘉妻嘉卒兄弟欲嫁之誓而不許

與兄弟書

蓋聞君子導人以德。矯俗以禮。是以烈士有不移之志。貞女無迴二之行。淑雖婦人。竊慕殺身成義。死而後已。夙遭禍罰。喪其所天。男弱未冠。女幼未笄。是以僮俛求生。將欲長育二子。上奉祖宗之嗣。下繼祖禰之禮。然後覲於黃泉。永無慙色。仁兄德弟。既不能厲高節於弱志。發明明於闇昧。許我他人。逼我於上。乃命官人。訟之簡書。夫智者不可惑以事。仁者不可脅以死。晏嬰不以白刃臨頸。改正直之辭。梁寡不以毀形之痛。忘執節之義。商山景行。豈不思齊。計兄弟備託學門。不能匡我以道。博我以文。雖曰既學。吾謂之未也。

陳璆

晉劉璆妻聰慧能屬文嘗正旦獻椒花頌又撰元日及冬至進見之儀行於世

答舅母書

元方春秋始富。德業亦隆。宏道博文。才質兼備。冀志與時。暢榮耀當年。豈意一朝冥然長往。元方冲幼。過庭莫聞。聖善明訓。業成三徙。亦既冠婚。雙譽尤集。庶幾偕老。色養膝下。而殃厲橫流。艱禍仍遘。媛姊傾逝。宗模永絕。姊方玄華。並天戚年。豈慮豈圖。禍降彌酷。良才夭於始立。崇基殞於一簣。仰痛殄滅。俯悼二弟。斯人斯命。當可奈何。母年踰耳順。備經百罹。一紀之中。四遭至痛。目前廓然。三從靡託。窮悼中發。情馳難處。

與妹劉氏書

伏見偉方所作先君誄。其述詠勳德。則仁風靡墜。其言情訴衷。則孝心以敍。自非挺生之才。孰能克隆聿修若斯者乎。執詠反覆。觸言流淚。感賴交集。悲慰並至。元方偉方並年少而有盛才。文辭富艷。冠於此世。竊不自量。有疑一言。略陳所懷。庶備起予。先君既體宏仁義。又動則聖檢。奉親極孝。事君盡忠。行己也恭。養民也惠。可謂立德立功。示民軌儀者也。但道長祚短。時乏識真。榮位未登。高志不遂。本示標方外迹也。老莊者。絕聖棄智。渾齊萬物。等貴賤。忘哀樂。非經典所貴。非名教所取。何必輒引以爲喻也。可共詳之。

孫瓊

晉松陽令
鈕滔母

與虞定夫人書

瓊聞興賢崇德。聖主令典。旌善表操。有邦盛務。伏見族祖吳國亡民富春孫彥妻環。少厲令節。服膺道教。逮適孫氏。恪居婦職。宗姻有聲。奉禮未周。彥母喪殞。喪殞半年。彥奄亡歿。環率禮奉終。抗義明節。傾竭私產。以供葬送。禮服既終。前無立子。家欲改醮。誓而不許。

與從弟孝徵書

省爾譏我以養鵠。乃戒以衛懿滅斃之禍。斯言惑矣。吾未之取。彼衛懿之好。民無役車之載。鶴有乘軒之飾。禍敗之由。由乎失所。若乃開圃即於靈囿。沃池矩乎神沼。文魚躍於白水。素鳥翔乎神州。豈非周文之德。大雅所修哉。夫嘉肴旨酒。非不美也。夏禹盛以陶豆。殷紂著以玉杯。而此聖以興。彼愚以滅。蓋置之失所。如其無失。來難可施乎。

劉娥

劉聰后字麗華太保殷之女聰將起鷄儀殿以居
之陳元達切諫聰怒將斬之娥上書救之得免

上劉聰書

伏聞將爲妾營殿。今昭德足居。鷄儀非急。四海未一。禍難尤繁。動須人力資財。尤宜慎之。廷尉之言。國家大政。夫忠臣之諫。豈爲身哉。帝王距之。亦非願身也。妾抑謂陛下上尋明君納諫之昌。下忿闇主距諫之禍。宜賞廷尉以美爵。酬廷尉以列土。如何不惟不納。而反欲誅之。陛下此怒。由妾而記。廷尉之禍。由妾而招人。怨國疲咎。歸於妾。距諫害忠。亦妾之由。自古敗國喪家。未始不由婦人者也。妾每覽古事。忿忿忘食。何意今日妾自爲之。後人之觀妾。亦猶妾之視前人也。復何面目仰侍巾櫛。請歸死北堂。以塞陛下誤惑之過。

劉英媛

宋文帝第六女封臨川長公主適東陽太守王藻性妒藻別有所愛主讒之廢帝藻坐下獄死主與王氏離婚明帝時主復上書乞歸王氏許之

乞歸王氏書

妾遭隨奇薄。絕於王氏。弘庭囂戾。致此分異。今孤疾孳然。假息朝夕。情寄所鍾。唯在一子。契闊荼炭。特兼憐愍。否泰枯榮。繫以爲命。實願申其門釁。還爲母子。推遷僮俛。未及自聞。先朝慈愛。鑑妾丹衷。若賜使息。徹歸第定省。仰揆天旨。或有可尋。今事迫誠切。不顧典憲。敢緣恩燾。觸冒披聞。特乞還身王族。守養弱嗣。雖死之日。實甘所生。

閻姬

北周宇文護之母沒在北齊許還朝先作書遺護

遺子書

天地隔塞。子母異所。三十餘年。存亡斷絕。肝腸之痛。不能自勝。想汝悲思之懷。復何可處。吾自念十九入汝家。今已八十矣。既逢喪亂。備嘗艱阻。恆冀汝等長成。得見一日安樂。何期罪釁深重。存歿分離。吾凡生汝輩三男三女。今日目下。不覩一人。興言及此。悲纏肌骨。賴皇齊恩。卹差安歲暮。又得汝陽氏姑。及汝叔母紇干。汝嫂劉新婦等同居。頗亦自適。但爲微有耳疾。大語方聞。行動飲食。幸無多恙。今大齊聖德遠被。特降鴻慈。既許歸吾於汝。又聽先致音耗。積稔長悲。豁然獲展。此乃仁侔造化。將何報德。汝與吾別之時。年尙幼小。以前家事。或不委曲。昔在武川。鎮生汝兄弟。大者屬鼠。次者屬兔。三者屬蛇。鮮于修禮起日。吾之闔家大小。先在博陵郡住。相將欲向左入城。行至唐河之北。被定州官兵打敗。汝祖及二叔時俱戰亡。汝叔母賀拔及兒元寶。汝叔母紇干及兒善提。并吾與汝六人。同被擒捉。入定州城。未幾間。將吾及汝送與元寶掌。賀拔紇干各別分散。寶掌見汝。云我識其祖翁。形狀相似。時寶掌營在唐城內。經停三日。寶掌

所控得男夫婦女。可六七十人。悉送向京。吾時與汝同被送。限至定州城南。夜宿同鄉人姬庫根家。茹茹奴望見鮮于修禮營火。語吾云。我今走向本軍。既至營。遂告吾輩在此。明日日出。汝叔將兵邀截吾及汝等。還得向營。時汝年十二。共吾並乘馬隨軍。可不記此事緣由也。於後吾共汝受陽住。時元寶菩提及汝姑兒賀蘭盛洛。并汝身四人同學。博士姓成爲人最惡。汝等四人謀欲加害。吾與汝叔母等聞之。各捉其兒打之。惟盛洛無母。獨不被打。其後爾朱天柱亡歲。賀拔阿斗泥在關西。遣人迎家累。時汝叔亦遣奴來富迎汝及盛洛等。汝時著緋綾袍銀裝帶。盛洛著紫織成纈通身袍黃綾裏。並乘驪同去。盛洛小於汝。汝等三人並呼吾作阿靡敦。如此之事。當分明記之耳。今又寄汝小時所著綿袍表一領。至宜檢看。知吾含悲戚。多歷年紀。屬千載之運。逢大齊之德。矜老開恩。許得相見。一聞此信。死猶不朽。况如今者。勢必聚集。禽獸草木。母子相依。吾有何罪。與汝分離。今復何福。還望見汝。言此悲喜。死而更蘇。世間所有。求皆可得。母子異國。何處可求。假汝貴及王公。富過山海。有一老母八十年。飄然千里。死亡旦夕。不得一朝暫見。不得一日同處。寒不得汝衣。飢不得汝食。汝雖窮榮極盛。光耀世間。汝何用爲。於吾

何益。吾今日之前。汝既不得申其供養。事往何論。今日以後。吾之殘命。惟繫於汝。爾戴天履地。中有鬼神。勿云冥昧而可欺負。汝楊氏姑。今難炎暑。猶能先發。關河阻遠。隔絕多年。盡依常體。慮汝致惑。是以每存款質。亦兼載吾姓名。當識此理。不以為怪。

盧氏

唐崔元
暉之母

訓子書

吾聞姨兄辛元馭云。兒子從宦者。有人來云貧乏不自存。此是好消息。若貨貨充足。裘馬輕肥。此是惡消息。吾嘗以為確論。比見親表中仕宦者。務多財以奉親。而其親不究所從來。但以爲喜。若出乎祿廩可矣。不然。何異盜乎。縱無大咎。獨不內媿於心。汝今爲吏。不務潔清。無以戴天覆地。宜識吾意。

武后

賜少林寺僧書

暑候將闌。炎序彌溽。山林靜寂。梵宇清虛。宴坐經行。想當休愈。弟子前隨鳳駕。過謁鸞巖。觀寶

塔以徘徊。觀先妃之淨業。薰修之所。猶未畢功。一見悲驚。萬感兼集。攀光寶樹。載深風樹之哀。弔影珠泉。更積寒泉之思。弟子自惟薄祐。鎮切縈懷。每屆秋期。倍軫催心之痛。炎涼遞運。逾添切骨之哀。未極三旬。頻鍾二忌。恨乘時而更恨。悲踐露而逾悲。惟託佛田。少申荒思。今欲續成先志。重置莊嚴。故遣三思。資金絹等物。往彼就師。平章幸識斯意。卽務修營。望及諱辰。終此功德。所冀罄斯誠懇。以奉津梁。稍宣資助之懷。微慰梵迷之緒。略書示意。指不多云。

鮑君徽

唐鮑徵君之女。字文姬。善詩。德宗嘗召入宮。與侍臣賈和賞賚甚厚。入宮不久卽乞歸。

乞歸書

臣以草茅嫠婦。重荷寵恩。自謂生有餘幸矣。獨念妾也。幼鮮昆季。長失椿庭。室無雞黍之餐。堂有垂白之母。衷情迫切。臣不番隱忍。方慮控訴無門焉。茲者幸遇聖明。詔臣吟詠。一入御庭。百有餘日。弄文舞字。上旣以洽明聖之歡心。搦管揮毫。下旣以倡諸臣之賡和。惟是梵然老母。置之不問。豈爲子女者。愬然若是耶。臣一思維。寸腸百結。伏願陛下。開莫大之宏恩。聽愚臣之片牘。得賜歸家。以供甘旨。則老母一日之餘生。卽陛下一日之恩賜也。臣不揣愚昧。冒死以進。

李清照

宋濟南人號易安居士李格非之女趙明誠之妻工詩文又長於詞為宋代大家著有漱玉詞一卷

謝中書舍人綦崇禮啓

清照素習義方。粗明詩禮。近因疾病。欲至膏肓。牛蟻不分。灰釘已具。豈期末事。乃得上聞。取自宸衷。付之廷尉。抵雀捐金。利將安在。將頭碎壁。失固可知。實自謬愚。分知獄市。內翰承旨。縉紳望族。冠蓋清流。目下無雙。人間第一。奉天收復。本緣陸贄之詞。淮蔡底平。共傳昌黎之筆。哀憐無告。義同解驂。感戴洪恩。事真出己。故茲白首。得免丹書。雖南山之竹。豈能窮多口之談。惟智者之言。可以止無根之謗。

李氏

安仁人謝枋得妻色美通女訓諸書枋得為信州與元兵戰敗走李氏繫子匿貴溪山中元兵至被俘囚江寧獄有廉帥欲妻之李氏自經死

託孤母氏書

母氏慈鑒。嗟乎。劬勞之恩。今生已矣。緬舟山之急湍。吾君何在。眺長淮之清流。吾夫何在。殉國殉夫。舍此尙遑他及哉。顧女猶苟活於世者。以夢珠甫二齡。未得所託。寢令三尺藐孤。展轉入於賊手。則女誠謝家罪人矣。或告元賊甚重女壻。呼為豪傑。且下令保全家屬。似為女計。可不

死。并可。不。避。然。而。幣。重。言。甘。賊。之。慣。技。也。見。患。授。命。愚。夫。婦。之。素。志。也。覆。巢。之。下。寧。有。完。卵。女。蓋。計。之。熟。矣。吳。媼。雖。愿。直。事。女。有。年。其。心。無。他。夢。珠。屬。彼。遣。投。母。所。予。兄。弟。行。尚。求。善。視。之。俟。其。長。成。囑。以。勿。食。新。祿。勿。忘。國。仇。則。女。見。亡。壻。於。地。下。或。無。慙。色。耳。臨。穎。涕。泣。不。知。所。云。

吳扶陽

晉江人刑部主事何瑀繼妻性謹靜好讀書瑀卒扶陽爲文祭之復作書與內外親訣尋亦卒

與內外親永訣書

爲人臣而滅義。君賊也。爲人婦而失節。夫醜也。自昔慷慨之士。清貞之女。皆舍所生。輕若鴻毛。吾夫之死。上無老姑。可守以孝。下無弱息。可守以慈。又安得戀戀死生之際乎。幸謝老父老母。諸兄弟嫂姪。隔別幽明。永永相訣。異日得於黃泉與夫子相見。吾瞑目矣。

馬湘蘭

明金陵妓名守貞字月嬌小字玄兒工詩善畫蘭居秦淮勝處風流放誕善伺人意嘗爲人所窘王穉登伯穀脫其阨欲委身於百穀伯穀不可

與王伯穀書

一

別後。妾頃刻在懷。卽寤寐未忘。知己。遙憶故人。再續舊好。恨天各一方。中心鬱結。不能朝夕繼。

見。聯枕論心。又復秋水盈窗。寒蟲破夢。此景此情。真妾銷魂時哉。何日見君。了却相思冤債。作人世未有之懽乎。長江險壑。莫能飛渡。八行相訊。神與俱馳。

二

昨事惱懷。不可勝言。恨不能借北方朱祺星劍。攝提此惡。以雪忿耳。日來作何狀。早已令僮往馬府奉候。有一帖一大翠。想入目矣。滿擬今日必過館中。不意又作空想。奈何奈何。十年心事。竟不能控。此別更不知相逢於何日也。自做小袋一件。縐紗汗巾一方。小翠二枝。火燻一雙。醬菜一盒。奉上。又烏金扣十付。致夫人。又蘭花一卷。匆匆不堪。俟便再從容。圈一卷寄上。不盡之情。惟君亮之。途中酷暑。千萬保重。以慰鄙懷。臨行不得一面。令人悵然。不知能同此念否。至吳中。千萬雕圖書寄我。幸毋相忘。至囑至囑。玉體千萬調攝。毋爲應酬之勞。致傷元神也。玄兒叩首拜復百穀二郎親目。

三

客歲擬今春准遊吳中。以遂夙愿。不意竟爲勢阻。不克暢敘鄙懷。奈何奈何。屢辱手教。遠遺重

惠。令人感刻肝腑。蒲柳之才。曷能當此。深謝深謝。第此緣未知何日方酬也。捧讀手書。恨不能插翅與君一面。其如心跡相違。徒託諸空言而已。良宵夜月。不審何日方得傾倒。令人念甚。念甚。卽欲買舸過君齋中。把酒論心。歡娛燈下。奈暑甚難以動履。又不能遂此衷。薄命如此。恐終不能如愿也。言及於此。心甚淒然。王郎曾垂憐一二否。適因家事匆匆。不及細陳。中秋節後。縱風雨虎狼。亦不能阻我吳中之興也。君當留神。何如。宄中執筆草草。數語附復。餘不盡言。天暑千萬珍調。毋致傷元神。至囑至囑。臨書不勝淒咽。惟君心照。端陽月十四日卯時馬玄兒端肅拜上百穀二哥親拆。

四

久疏問候。情殊歉然。相愛如君。定能心照之也。吳中之約。因有所絆。前從者回。曾具書內。想亦知之矣。昨者大府被害。餘波及之。迄今鬱鬱於懷。恨不得與故人一傾訴耳。奈何奈何。金春元在京。甚爲賤子不平之怒。吾兄聞之。亦爲憐之否。茲因紹玉居士之便。郊外歸館。燈下作此奉候。匆匆不及細陳。遙想丰神。望之如渴。心事萬種。筆不能盡。諒羅居士口詳之也。會晤無期。臨

書淒咽。惟心照。二哥親目。仲春二十四日燈下玄妹具啓。

五

屢承垂憐。使賤子感刻肺腑。沒世不能忘也。昨免強赴朱老八之約。到天明方回。妹妹懷抱不佳。不勝其勞。朝來遂爾成疾。奈何奈何。早幙中辱蘭花之惠。兼聆文翰。如聞玉語。午時乞降玉一話。今夕萬不獲已之事。俟面控訴。文駕明日必不可行。既垂憐如此。豈不能爲緩二三日。千萬千萬。余懷惟面。悉薄命妹馬月嬌。力疾拜百穀二哥親目。

六

苦雨連日。諒旌旆不果東行也。來晨過館中一敘。何如。尊扇少頃即完上。餘不盡。即日嬌妹書復百穀長兄侍史。

七

朝託纜溪兄來。復懇鼎力。玉諾無辭。此心感激。何可言喻。但千鈞之擔。皆賴於君。小有不妥。則命不可保。望君終始周旋。迫切之至。欲語復塞。諸惟心照。不盡。即日馬月嬌端肅具百穀二郎

親目。

八

昨與足下握手論心。至於夢寐中聚感。且不能連袂頃倒。託諸肝膈而已。連日伏枕。惟君是念。想能心亮也。賤恙已漸愈矣。望再緩二三日。當與足下盡控鄙衷也。力疾草復。宴罷。千萬降步。一面。顒望顒望。心緒如織。不及細陳。惟心照。嬌妹力疾拜。二哥學士知己。

九

大駕此來。滿擬傾倒心事。以酬千金之意。不意命蹇多乖。遂致大病。伏枕惟淚沾沾下也。聞明日必欲渡江。又不知會晤於何日。興言及此。悲愴不能自己。倘果不遺。再望停輿數日。則鄙衷或能盡其萬一也。病中草草。不盡欲言。惟君心亮。今日千萬過我一面。庶不負虛待。專候專候。病妹玄兒伏枕具上。二哥至契親目。

霍氏

沁水人。遼東巡按張銓妻。遼陽破。銓死。之崇禎間。流賊至霍氏。率僮僕堅守所居寶莊堡。賊環攻不克而去。副使王肇生名其堡曰夫人城。

守寶莊曉諭兵士血書

嗚呼。柳溪之戰。余子死矣。喜峯口之戰。余夫死矣。而未亡人不即死者。以上有衰翁。下有幼孤。未得死所也。今聞賊氛逼近。犯我寶莊。未亡人為張氏一脈計。已派將佐護送翁若子入關。而未亡人獨留此身。與賊併命。凡我故使部曲義民。共奮同仇。以洩積忿。古人尚冀馬革裹尸。而未亡人自頂至踵。毫不顧惜。惟望我將士實左右之。

王氏

岷山人。頤炎武母。炎武本生父。同應有同祖。弟同吉。早卒。聘王氏。未婚。守志。以炎武為後。王氏性純孝。嘗斷指療姑疾。崇禎時。旌於朝。明亡。王氏不食。卒。遺命戒炎武勿事二姓。故炎武入清不仕。

彌留書

嗚呼。武兒。余與爾將永訣矣。不得不臨別贈言。昨夢爾父同吉。携余行於沙漠之地。此大不祥也。然國事至此。死且嫌遲。死又何惜。惟余惓惓於爾者。不在言而在行。不在學而在品。爾固明之遺民也。則亦心乎明而已矣。余嘗苛論古人。謂夷齊叩馬而諫是也。諫既不從。胡弗殉國。乃登首陽。採薇蕨。何為乎。噫嘻。夷齊誤矣。甲子以後。首陽尚得為商之山乎。薇蕨尚得為商之食乎。噫嘻。夷齊誤矣。一時儕輩。莫不訾余持論之偏。獨梨洲心違之。則其懷抱可想。且余觀爾友

中亦惟梨洲品詣敦篤。爾雖師事之可也。惟爾之子若孫。矚其爲耕讀中人。勿爲科名中人。則爾方不媿余家肖子也。嗚呼武兒。余與爾永訣矣。無月日時。母氏囑。

李香君

明末金陵教坊女名香。時稱香君。俠而慧。略知書。能辨別士大夫。賢否許身侯方域。故開府田仰謀奪之。香君堅拒。血濺扇面。楊文聰因血點畫成桃花。

一枝孔尚任爲作桃花扇傳奇

在南都後宮私寄侯公子書

蓉花無主。妾所深悲。飛絮依人。妾所深恥。自君遠赴汴梁。屈指流光。梅開二度矣。日與母氏相依。未下胡梯一步。方冀重來。雀護人面相逢。前度劉郎。天台再到。而乃音乖黃犬。十殘燈畔。金錢信杳。青鸞盼斷。天邊明月。已焉哉。悲莫悲於生別離。妾之處境。亦如李後主所云。終日以眼淚洗面而已。比聞燕京戒嚴。君后下殿。龍友偶來過訪。妾探詢音耗。渠惟望北涕零。哽無一語。嗚呼。花殘月缺。望夫方深。化石之嗟。地坼天崩。神州忽抱陸沈之痛。由甲申迄乙酉。此數月中。烽烟蔽日。鼙鼓震空。南都君臣。遭此奇變。意必存包胥哭楚之心。子房復韓之志。臥薪嘗膽。敵愾同仇。不謂正位以後。馬入閣。阮巡江。虎狼雜進。貓鼠同眠。翻三朝之要典。黨禍重興。投一網。

於諸賢。蔓抄殆徧。而妾以却。匳夙恨幾蹈非災。所幸龍友一力斡旋。方免提欵勘問。然猶逼充樂部。供奉掖庭。奏新聲於玉樹。春風歌燕子之箋。叶雅調於紅牙。夜月語春燈之曲。嗟嗟。天子無愁。相臣有度。此妾言之而傷心。公子聞之而疾首者也。雖然。我躬不閱。遑恤其他。覩星河之耿耿。永巷如年。聽鐘鼓之遲遲。良宵未曙。花真獨活。何時再鬥芳菲。草是寄生。惟有相依形影。乃有蘇髯幼弟。柳老疎宗。同爲菊部之儔。共隸梨園之隊。哀妾無告。憫妾可憐。願傳紅葉之書。慨作黃衫之客。佳人雖屬沙吒利。義士今逢古押衙。患難知己。妾真感激涕零矣。遠望中州。神飛左右。未裁素紙。若有千言。及拂紅箋。竟無一字。回轉柔腸。寸寸欲折。附寄素扇香囊。并玉玦金鈿各一。吁。桃花艷褪。血痕豈化胭脂。豆蔻香銷。手澤尙含蘭麝。妾之志固如玉玦。未卜公子之志能似金鈿否也。宏光二月。香君手緘。

趙氏
侯峒
曾妻

殉難前諭遣婢僕

爾主明臣也。殉國難分也。余爾主元配也。殉夫難亦分也。爾等於余家。雖有主僕之義。而於朝

廷則無名分之係。固不必死也。頃據諜者密告。李軍恐有變。若是。則生機盡絕。爾等尙戀戀何爲哉。黃進士淳耀與爾主義同生死。其婦僕役已早遣散。未聞有一人遇害者。蓋敵頗重爾主。及黃進士人品。欲市恩招之。豈非大謬。嗚呼。事急矣。徒死何益。爾等速行。其各善事新主。毋以余家爲念。

託幼孫泣諭老僕柳恩書

嗚呼柳恩。而祖而父暨爾在余家三代矣。他奴皆有去志。爾獨語人曰。主人殉國。我亦殉主人。予聞之泣下。蓋不媿義僕也。然古人云。死節易。撫孤難。今予欲爾勉爲其難。爾其許予乎。幼主守明。未離襁褓。思欲付託於人。藉延侯氏一脈。曩因未得所託。故計不及此。今爾實余家之程杵也。將守明託爾。東廂右隅埋藏窖金五百兩。俟事平後。爾可回取。爲幼主飲食教誨之用。幼主卽姓爾姓。將來勿令其取功名。爲一耕傭。是卽爾之重報余家也。

瞿夫人

瞿式耜妻是戰式耜果使焦胡先陷陣孔有德死焉

論兵機書

粵西形勝在桂林。桂林險要在文昌。賊與我必爭者也。乃聞敵之大隊。轉趨而西。此必聲東擊西之計。稍知兵者即能辨之。而欲愚我耳目。豈非可笑。但相公爲國守土。昕夕焦勞。籌餉籌兵。置己躬於不卹。此固臣子義所應盡。惟亦須稍惜精神。從而調攝之。昔諸葛忠武。食少事繁。自知不久。而五丈原之星遂殞。妾爲此言。非勸相公自愛。實欲相公愛此身以報國也。家事一切皆遵相公指囑。已部署清浙矣。此一條腸可割斷。軍旅之事。未嘗學問。妾何敢妄肆喋喋。然有一得之見。貢諸相公之前。尙乞俯察。敵之擅長在騎射。而孔有德。又百戰之勁。自岳常長驅而下。其勢雖盛。其志已驕。若我與之交綏。俟其結陣已定。然後搏戰。則兵士或亘一強弱衆寡之形於胸中。難免不先氣餒。以妾愚論。南寧矯健。無論沖鋒陷陣。實足令萬人辟易。不若於敵陣未結之先。令率銳騎先陷其中堅。而以胡一清殿南寧之後。相公再以正兵分爲二大翼。左右包抄。使敵人入我算中。必無噍類。乘勢逐北。連州諸郡。不難恢復矣。乞相公裁酌行之。

易暎娘

松陵人。姿體絕麗。工畫花鳥。善吟詠。明季避亂。客姑家。姑與鄰潘生通。誘女

待女生復。嘗撻之女。遂自經。死年二十四。

臨終留訣父母書

女不幸少逢離亂。骨肉飄依。兩地異處。況復長年羸病。自知弱蕙易殤。薄雲難壽。然從垂髫以來。溺情芸藝。散志籤圖。將謂結褵名族。執爨良家。俾慈幃二人。得慰心於白髮。竊所願也。不意媒妁之欺。近在至戚。湮我素名。織彼萋計。致匹合於瑣類。終身之仰。失在一朝。怨魄不舒。愁魂欲斷。豈知有生之樂哉。女自春首分袂而後。鬱爲沈疾。嘗累日一粥。而見粒則嘔。薄飲不及蠶勺。悲苦之狀。不可殫陳。當夫蘭門暮掩。薄寒中人。簷雨淅瀝。燈花頻落。砧聲遠飄。譙鼓斷續。女於斯時。淒其淚零。倚枕竟夕。不知憂之何從也。及夫畫窗曉開。麗花笑暖。慧鳥爭啼。凭欄數迴。因思穉年西園隨伴。踏青始歸。泛錦瑟於芳樓。馳紅衫於細馬。匏絲稠雜。諧笑爲謹。方之今時。遂若隔世。同是一身。而苦樂頓異。命之不猶。夫復何言。爰令了髮。問香告情。父母卽夜是命盡之日。父母一來垂視。永以遐隔。玉香帳裏。豈有冷翠零膏。紅葉窗前。莫問韶顏穉齒。將見柳眼露凝。埋春化淚。蓮心風折。劈恨成絲。明月三更。天涯草碧。還家之期。當在曉風新夢間耳。父母春秋已高。強飯自愛。無以女爲念。幸收女餘骨。覆以坏土。得以脫迹人間。銷形天上。梁黃槐綠。

烟冷雲荒。遂畢此生矣。孟光同隱。未得是人。弄玉俱仙。徒為虛語。獨念父母畜我不卒。繞膝之歡。邈以難再。梅花猶在額乎。蓮花猶在足乎。鏡臺舊影。翠帷餘香。姍姍其來遲者。知是亭亭倩女魂也。

翁氏 鄭芝龍妻

由東洋致夫書

國主接將軍手札。畫圖威儀。頗甚憚懼。召予父翌皇於偏殿。議應如何答復。宰相三水吉雄。謂吾國向無以婦女適中國者。芝龍已生子。不若遣子留婦。策可兩全。國主如議行。噫吁乎哀哉。曩悲失子夫。今復失子子。雲海萬里。寸心割裂。未知何日子夫妻母子。再圖聚首也。望風嗚咽。泣下沾裳。想芝虎叔能為予曲訴之。

董氏 鄭成功妻成功子經通私乳婦陳氏生一子成功聞之震怒封劍一桶二令斬其妻及經諸將皆不可因共議斬陳氏并姦生之子以謝成功成功益怒復遣

使至全廈立逼如前議行正紛紛集謀而成功病狂死矣

訓子書

臺使來。封劍一。金龍紅漆桶二。予駭怪無似。既宣藩主諭。始悉妖婢陳氏爲汝祟。并禍予矣。聞汝聚集全廈部曲。謀拒父命。噫。此大不可也。無論汝父非蒯賁。汝非衛輒。諸將安肯唯汝命是聽。卽令無異言。而以逆拒順。汝將來何以率衆。其與來使商善處之道。俟予命施行。母董氏諭。

劉氏

常熟黃亮功繼妻有殊色知書亮功卒劉氏年三十餘被掠入豫王多鐸府會王妃死遂册立爲繼妃

寄女珍書

我生不辰。疊罹險難。向日送汝河干。竟成各天長別。痛何忍言。痛何忍言。自七獸肆毒。擄我往松。幸叨假母慈恩。寢食相依。且許送我歸常。令我母子完聚。不意罪名眷籍。候遣省中。忽又選入掖庭。廁身窮袴。竟如墜崖之人。奮飛無翼。嗟乎珍兒。汝母至此。尙能隱忍求活哉。所以苟延殘喘。累遭窘折而不死者。嘗與張媪言。汝是我一點血脈。若不相聞問。而泯泯以死。是使汝抱無涯之戚也。前在松江。驚聞直塘一帶鄉村。盡被兵燹。想七獸未遂所欲。故又發縱指使。以勢而搆。汝家亦爲破巢之卵。然究竟是眞是訛。尙不免將信將疑。今吾書至。而汝有手書來。則吾知汝之幸而不死於七獸也。吾書至。而汝無手書來。則吾知汝之不幸。而竟死於七獸也。其死

其生。決於片楮。專睇歸鴻。慰吾愁思。若夫。煢煢。嫠婦。給事虜庭。凡所自計。皆已素審。彼若辱吾。下陳。使以鞭箠。非口唾其面。卽頭撞其胸。雖粉吾骨不辭也。吾秉性高抗。不肯下人。拚却一死。彼且奈我何。珍兒。珍兒。無爲我慮。

又寄珍書

汝母命衰。失身吒利。孽非自作。叫天何辜。我生平不作短氣語。今且欲出諸口。不勝忸怩。而不得不爲汝言之者。母子本是一體。又汝是黃氏一脈。責無可辭。故爲汝聊白吾意。汝父生前。實未嘗與我有片語忤。夫婦之私。有逾常格。無言息媯。不禁懷舊。而暗自傷心。餒矣若敖。諒亦賢恨。而難於瞑目。今爲之計。莫如訪立本宗。爲嗣。分授萬金。綿其血食。一以盡生者之心。一以安死者之魄。善體我衷。是誠望汝。劉公乃先朝內監歸旗者。須加禮款待。別時將我所存元寶二錠。贖之。亦使此輩知汝非寒儉家兒女也。東珠十顆。可爲甥兒帽飾。京樣手鐲一副。欲汝佩之。卽如見汝母耳。兩舅氏暨夫婿。余情耿耿。不及細訴。非不欲訴。言之醜也。吁嗟珍兒。而今而後。吾不能依汝以居矣。夫復何言。

陳圓圓

明末姑蘇名妓名沅字婉芬有殊色善歌初為田畹所得後歸吳三桂李自成破京師圓圓為自成所得三桂大怒乞清師破自成乃復得圓圓三桂受

清封為王圓圓將正妃位上書辭之後知三桂有異志乞為女道士以終

辭妃位書

妾以章臺陋質。謬污瓊寢。始以一顧之恩。繼以千金之聘。流離契闊。幸保殘軀。獲與奉匱之役。珠服玉饌。依享殊榮。分已過矣。今我王析圭胙土。威鎮南天。正宜續鸞戚里。諧鳳侯門。上則立體朝廷。下則垂型典屬。稽之大典。斯曰德齊。若欲蒂弱絮於繡榻。培輕塵於玉几。既蹈非耦之嫌。必貽無儀之刺。是重妾之罪也。其何敢承命。

孔四貞

定南王孔有德女廣西將軍孫延齡妻為太后義女吳三桂之反延齡應之四貞勸其附清延齡心動三桂聞之遣將攻殺延齡當延齡反時清廷亦疑

四貞後於閩幕中得此信乃釋然取四貞歸京師養老終焉

致孫延齡書

余父在明。位不過一參將耳。而以百戰餘生。僅得中秩。明之待余父。恩何薄也。大凌河之戰。松山之戰。有天意焉。朝旨詰責。震悼劉杜之死。綏而欲以余父暨仲叔行法。單騎出關。謁太祖皇

帝於興京。由是攀龍鱗。附鳳翼。爵至定南。桂林之役。余父死戰。今皇上恩卹稠渥。典禮有加。嗚呼。本朝之待余父。情至矣。恩厚矣。昔豫讓有國士衆人之說。誠非無所見而云然。將軍并無殊勳異績。徒以貞故。位崇專閫。儀同額附。乃聞道路之言。將軍受滇藩蠱惑。潛結精忠之孝。爲援頗蓄異志。噫嘻。市傳有虎。本不足憑。但貞與將軍。既共衾穴。生死并之。安忍緘舌。至利害所係。貞亦不爲毛舉。第滇藩既能忍於永歷。豈獨不忍於將軍。則爲將軍計。似不應負本朝。負余父。并負貞也。

歸懋儀

字佩珊。常熟人。隨園女弟子。

寄映藜四叔父書

去歲得聞旋里佳音。歡喜無極。玉關迢遞。邊塞風霜。想慈體倍增勞頓。大人歷任繁劇。著有成勞。中途蹉跌。此亦家運使然耳。刻下萬里還家。聯床聽雨。高堂數載。白日看雲。知此際倍形怡悅也。惟叔母大人仙逝。帷空簾捲。未免生悲。賴諸弟學業日進。足娛蔗境。大人胸懷磊落。當勿以此爲戚戚也。惟是三徑就荒。草堂岑寂。清風兩袖。未知作何料理。姪女遭際迍邐。家園破碎。

數年姑沒於堂。翁喪於途。壻守一氈。了無生色。米鹽瑣屑之外。加以骨肉慘傷。以致疾病叢生。不能勤操井臼。旦夕傍徨。惟恐有負先人期望之心耳。天寒白屋。久賦無衣。賴味莊先生垂念。舊交憐才破格。數載以來。得免溝壑。生涯冷淡。日從事於詞章。或作一跋。或賦一詩。藉博蠅頭微利。歲暮則追逋兼詩而至者踵相接矣。復以伶俜弱息。環繞膝前。一水迢遙。歸寧日少。定省久虛。離愁日積。邇來魂常依依於吾父吾叔前。未知何日再放琴水之舟。快觀高堂色笑也。

答曹夫人書

陳嫗歸。接奉琅函。知玉體安和。深慰遠念。并承殷勤眷注。惠寄珍物。自顧菲材。蒙知己格外垂青。獎許溢分。且感且愧。陳嫗既歸。左右乏人。未知曾覓有得力人否。念甚。愚姊自別後。貧病交攻。加以筆墨應酬。不覺日形憔悴。仲冬又得一女。歲華行晚。熊夢仍虛。始悟造物弄人。顛顛倒倒。想仁妹聞之。亦爲三歎。金臺遊眺。想佳什又增幾許。家姑母朝夕過從。閨閣又添樂事。惜儀之不克。追隨也。金環香珮。附耳隨身。如覩芳容咫尺矣。路長紙短。不盡神依。

寄華山弟書

春間接弟手書。至今未接報音。心甚懸懸。姊自產後。大病半載。不能食飯。強自支持耳。奴回承惠皮服。弟夫人推愛解衣。感何可極。但念彼此食貧。寸心深抱不安耳。服甚華美。長短稱身。春風道暖。已早化作白鷗飛去矣。外間筆墨。應酬頗繁。近織雲女史從雲間來。又添題詠之事。渠畫甚佳。因乞得一扇以供把玩。望檢收之。

答香卿夫人書

千里神交。十旬闊別。相憶之情。筆舌難罄。常夜夢君。或花枝掩映。或曲籬圍護。總未能一近玉容。親訴衷曲。想因相思之切。倍形相見之難也。自握別後。一病至今。延及三月。延醫診脉。或云是病。或云是孕。究莫測其端。總之穀食久廢。憔悴不可勝言矣。追憶前次病中。屢承遣使慰問。餽贈食物。不勝今昔之感。端節前遣奴至署。方知吾妹之病。二兄之歸。焦悶無似。惆悵不已。知之太晚。竟未及片紙奉候。然無日不神往藥鑪左右也。承惠珍簞。溫柔滑潤。夜寐晨興。每感故人雅誼。蘭烟到口。恍憶芬芳氣味也。

致胥燕亭大令書

既披紅製。復誦瑤章。詞翰之精妙。獎許之過情。感媿無地。新詞三復。至一點秋從心起之句。不禁擊節。憶數年前。讀大作題蕊珠宮花史冊三絕句。神韻風調。逼真唐賢。至今猶能諷誦。固已早識仙才矣。儀學殖本薄。重以鹽米兒女之累。益復荒蕪。乃蒙大雅以必傳二字勗之。固當勉事學問。期副厚望於萬一耳。夫人天上神仙女。公子天資明慧重。以家學。他日至蘇。得造瑯環福地。拜玉容於繡幄。聆淑誨於妝臺。後塵許步。榮幸奚如。

復吳星槎別駕書

接奉朵雲。復披雅詠。浣薇窗下。錦爛七襄。刺繡簾前。目迷五色。先生擅玉局之詩才。兼龍門之史筆。騁足青雲。公侯倒屣。尋芳紫陌。花月增輝。儀久耳鴻名。未瞻芝宇。茲聆警效。如坐春風。輔嗣清言。元龍豪氣。兼而有之。不勝欽服。儀少小耽吟。中年多病。永晝拈毫。藉丹鉛而蠲忿。清宵聽漏。對花月以言愁。遇味莊師。提倡風騷。殷勤宏獎。感恩知己。耿耿難忘。前者偶學倚聲。過蒙先生青睞。塗鴉腕弱。說項情深。儀愧知音。先生真天下有心人也。書中推許過情。搗謙已甚。臨風三復。且感且慚。自茲以往。望時賜指南。俾知趨向。是則寸心所私禱者也。奉次元韻四章。藉

展欽仰之忱。伏祈施之斧削。幸甚。不備。

致何春渚徵君書

日前枉過荒齋。匆匆未盡悃忱。自顧菲材。蒙長者知遇。殘稿附之集中。拙書銘之石上。抑何愛之深而望之切耶。遂令閨閣中欣欣作千秋之想。復承厚賜。纍纍在長者有加無已。在儀實深抱媿。同在窘鄉。益抱不安耳。古硯精雅異常。恨無椽筆以副之。以其端凝貴重。未敢輕易拜賜。非敢固却也。茲蒙來諭。諄諄謹當什襲珍藏。以傳久遠。不一。

席佩蘭

字韵芬。吳縣人。常熟孫子。瀟原湘孝廉妻。兩人工詩。時稱佳偶。著有長真閣詩稿。

謝隨園先生惠香囊唾壺啓

春風入座。小草生香。偶呈彤管之章。深荷色絲之譽。正擬金釵換酒。代夫壻以相留。何期彩鷁乘潮。載先生而竟去。瞻依未遂。悵望奚勝。乃蒙仙史重來。瑤珍遠貺。飛蓬陋影。得邀瑤島之題。落絮微吟。屢入玉臺之選。如聞擊賞。示以唾壺。應與熏蒸。加之蘇合。從此心香一瓣。只在隨園。遠期珠玉九天。分來茅屋。恭修短簡。用佈微忱。蒙題小影。三君或工仲姬之畫筆。或擅清照之

詩辭。並稱繡閣逸才。知屬絳紗高第。末緣識面。先乞寄聲。報稱爲難。何處結三生之草。受恩知感。終當繡五色之絲。

上隨園夫子書

蓬門籬落。深荷玉跡過臨。方擬剪髮拔釵。易斗酒爲先生壽。而天桃風暖。早促解維。天際錦帆。徒殷瞻睇。蒙示自壽詩。以三唐六代之音。寫洛社香山之趣。固宜親切而有味。至於藻采葩流。詞源橫溢。令人如泛玉海。如聞金鐘。耳目一新。且驚且喜。命作和章。自顧階下寒號。何足當半空鸞鳳。兼以料理子瀟北行。級針補綴。殆無虛日。初送別登舟。始得消息。而離情勞結。肝疾作楚。商摧無人。搦管屢輟。今屈指仙舟。卽日過郡。重以嘉命。何敢以巾幗自外於門牆。遂力疾勉次原韻。如數和上。微獨荒陋無當於大雅。抑且樸整不善爲諛詞。惟耿耿此心。傾仰山斗。古人不敢知我本朝諸大家而論。竊以爲無如先生者。雖言之不文。而意有獨至。亦惟先生心鑒之而已。冊尾附錄近著數章。并希嚴削。並呈黃楊如意一柄。聊申頌私。黃楊遇閏則退。敬祝先生之壽。亦遇閏倒算。雖開百秩。仍如九秩時也。詩話自七卷以下。專望寄賜。

又上隨園夫子書

昨竹橋太史回虞。頒到手書一副。湖縐一端。祇領之餘。愧喜交集。佩蘭深閨弱植。獲荷栽培。漫獻菲詞。聊申祝頌。乃蒙垂獎過當。感激何如。茲稔先生已抵吳門。即日錦旋白下。從此詩情滿路。在好山好水之中。畫舫爲家。得佳婦佳兒之樂。歸去白頭紅袖。兩代團圓。他時道韞義之。千秋佳話。佩蘭分阻深閨。心殷絳帳。高山仰止。不能奮飛。惟有效張籍之飲杜詩。誠傾肝膈。如李洞之慕賈島。佛在心頭。惟是子瀟入都後。家事叢雜。肝疾作楚。日來頗劇。

又上隨園夫子書

白下秋風。多士雲集。先生以斗南一星。照耀壇坫。一時研京練都之輩。莫不手捧盤匱。奉齊盟於下風。遙企絳帷。曷勝祈誦。佩蘭深閨弱質。屢荷栽培。如授經於夏侯。忝居桃李之列。譬獲采於孝穆。頻登菅蒯之篇。感佩微忱。久鑄心版。惟是四月以來。肝疾作楚。身不離床席。口不離茶連。沈綿委頓中。又值子瀟病歸。既驚且憂。烹治藥石。扶持抑搔。力疾任之。然體益憊矣。今幸福庇小安。而吟紅詠絮。渺若隔生。無以仰副期望。思之惘然。惟病中呻吟語及補謝賜縑之什。錄

塵左右。望笑而覽之。子瀟病起。卽補撰先生壽詩。不能妃青儷白。遁而爲絕句。然俶詭倜儻。頗謂平生難得之境。亦先生福慧有以啓之。未審正法眼藏。以爲何如。前蒙頒賜大集。業已露盥蘭薰。朝報夕諷。但有詩無文。雖商文典冊。原非閨閣所須。然登山者。不歷九折之坂。不甘叱馭而回也。觀海者。不臨極深之庭。不甘自厓而返也。且以韓潮蘇海之筆手。而但見之聲韻格律。譬如食魚而僅得王餘。求玉而祇獲片殼。終覺匡廬全面。未盡仰窺。恃栽培有素。敢爲發棠之請。如蒙補發其半。俾奉爲全璧。則女誠七篇。周官一冊。未必非掃眉不櫛之人。從容造就之圭臬也。冒昧干請。無任悚惶。

金逸

字纖纖。蘇州人。諸生。陳竹士妻。年二十五而卒。著有瘦吟樓詩草。

與隨園先生書

前者返棹天台。駐旌茂苑。建玷壇於繡谷。媛集金閨。續宴會於錢塘。才量玉尺。湖山佳話。萬古千秋。風月士人。九州一老。大名灌耳。望等天神。小草懷春。自慚菅蒯。方苦登龍之無路。乃蒙折簡之相招。恨不奮飛。偏逢小極。藥鐺經卷。消永晝之生涯。病豎詩魔。作終宵之伴侶。腰無一尺。

淚有千行。郎君竹士。忝陪杖履。得卽光儀。乃以風雅宗工。儒林耆舊。而肯虛懷若谷。老眼舒青。備述教言。愈加銘佩。又讀六月六日夫子與立崖司馬書。謂龍華會上。必使留名。自問何人。而矜寵若此。感甚也。亦媿甚也。茲逢令坦。藍潤玉公子。挂席金陵。停車蔣徑。託其介紹。願列門牆。敬達賤名。用修短牘。倘蒙不棄。萬幸何如。此日碧雲秋雁。奉一函於明月樓中。明年絳帳春風。當雙拜於海棠花下。

周月尊

字香漪

與隨園先生書

月尊周氏端肅啓。問隨園先生萬安。尊讀先生之書。十有餘年矣。又時時聞中丞道先生言論。丰采。口無虛日。海內老師宿儒奇才異能之士。時至中丞左右者。亦莫不盛稱先生之才。其在先生同輩諸公。更未嘗不極口稱揚於無既。尊覺耳目所及。海內名流。無若先生者矣。尊凡陋之資。叨侍上公巾拂。身世無復所憾。惟幼耽翰墨。妄生好名之心。不肯泐泐終世。乃生少聰明。兼多疾病。蚤寒蟬寂。終不成聲。於今悔歎廢棄。始信天限之弗可渝奪。又無絕技殊能。商於輩

行。可託傳於名公大人著述以垂永久者。他日晏然隨化。黯然神傷而已。前在中州取義山十年長夢采華芝之句。作采芝圖。畫工既劣。更不能擇手題咏。誠無可觀。今特寄呈。求賜宏製。斯人斯圖。雖不足當大方題品。誠欲藉傳姓氏於集中。則生平之憾始釋然也。小兒嵩珠年甫三歲。近已種花。以爲遲郎福命宜兄弟所致。先生與中丞誼重交深。聞之必喜。用敢附及。冒昧干請。臨啓惕然。諸惟達鑒。敬問夫人懿安。遲郎文祉。詩禮之學。想日益進。亟思一見之也。附呈微物導意。

孫雲鳳

字碧梧杭州人嫁程氏

與隨園先生書

前歲星槎回里。悵叩謁之無緣。恰幸錦句傳來。幸芳塵之可步。曾和短章。恭求鈞誨。竊謂先生鍊金點石之才。必有啓賸發蒙之助。乃聞貯於案頭。將欲登諸集上。得冒丹砂。雲鳳雖爲一時之幸。混收魚目。先生恐低千古之名。且崔汪二夫人久已聯珠合璧。安敢雜以糝糠。而閨閣諸女伴。亦有碎玉遺金。何堪並收瓦礫。雲鳳得蒙清訓。已列門牆。忝在弟子之班。妄竊詩人之號。

自顧彌增慚汗。問世益覺厚顏。務祈先生卽加針砭。附便擲還。萬勿災諸梨棗。徒滋貽笑方家。外附詩詞。並求誨正。

吳清浣

隨園女弟子

與隨園老人論用疊字法

簡齋吾師宗匠文席。西湖別後。又自夏徂秋矣。杭州酒痕。未知尙留襟上否。清浣作詩最不用疊字。而吾師謂此未窺詩之門徑也。歷舉毛詩用疊字法。如關關雎鳩。滔滔江漢。赫赫師尹等句。以相指示。清浣雖若有所悟。而仍未嘗一效其體。及偶讀唐人漠漠水田飛白鷺一聯。始歎繪景之妙。全由漠漠陰陰生出。又讀梨花院落溶溶月一聯。愈歎上句清曠夷猶之氣。非溶溶不顯。下句蘊藉沖和之致。非淡淡不達。誠化工之筆也。清浣遂一效顰。得句爲曉樹紅蒸霞簇簇。春池碧瀉水溶溶。舉示徐詠湘盟姊。而詠湘見之。不加可否。但濡毫易瀉爲縐。易溶溶爲鱗鱗。噫。前賢有一字師。今清浣得此。可稱爲三字師矣。芸窗無事。書呈我師。以博一笑。隨園詩話不脛而走。清浣承賜念部。非爲同伴強索。卽遭臆篋而去。再乞吾師恩賜十部。清浣當什襲。

藏之。不復誇耀於姊妹行矣。梅開時節。擬買權赴白門。躬省起居。一瞻清範。女弟子吳清浣盥
手謹箋。

曹靜宜

姑熟孝女幼許嫁姚氏因兵亂阻隔亂定姚氏子來爲贅壻居家久之始知其已娶妻生子矣父母怒責壻無禮姚氏子羞憤去遂絕靜宜居家事父母維

謹父卒靜宜與三妹婉宜長齋奉佛未幾母又卒二女同仰藥死

臨終留別兄弟書

妹不幸爲女子身。自有知識。卽念女子同受罔極之恩。而獨無以爲報。深覺歉然。稍長。見母有
痰疾。發無定時。必有人晝夜經心。方免不測。誠恐一朝遠嫁。不得侍奉母疾。而幼字姚氏。親命
難違。無術分身。焦思萬狀。及贅壻後。欲令別置媵妾。以使他日歸寧。天幸其先已娶妻。並生子
女。維時衆歎。遇人不淑。咸譏士也無良。而妹獨欣天假之緣。得遂養親之志。是以力阻正名之
議。安心在家侍奉。滿冀雙親壽享期頤。永敘天倫之樂。何圖天降鞠凶。慈父見背。喪服未終。老
母又染沈痾。殆將不起。嗚呼。吾父吾母。旣違定省於堂前。生佛生天。誓必相從於地下。從此色
笑常親。亦復何恨。惟念在室養親。義非姚氏之人。生事死殉。可謂曹門之女。所存原聘金簪二

枚。望。卽。檢。還。姚。氏。永。斷。葛。藤。以。明。決。絕。三。妹。於。父。歿。之。日。百。計。求。死。不。得。此。番。恐。亦。不。免。矣。哀。哉。兄。弟。疊。遭。大。故。雙。折。連。枝。悲。傷。之。情。不。堪。設。想。竊。有。一。言。奉。慰。者。泉。下。庭。幃。有。妹。等。侍。奉。足。可。放。心。兄。弟。等。子。職。所。當。盡。者。不。徒。在。哀。毀。二。字。但。能。修。身。訓。子。積。德。顯。親。自。足。慰。父。母。之。靈。而。妹。等。亦。從。旁。含。笑。矣。二。妹。已。爲。孔。氏。婦。有。其。當。盡。之。職。務。宜。節。哀。自。愛。勿。蹈。非。禮。死。別。須。臾。臨。穎。愴。然。

賀雙卿

農家女精女紅能詩詞年十八嫁周姓農家子夫姑虐待之雙卿力操井臼卽甚悶色常怡然嘗剪蘆葉三寸粉書與其舅

與舅書

人。皆。以。兒。爲。薄。命。兒。命。原。非。薄。也。紅。樓。淑。女。綠。窗。麗。人。淪。沒。深。閨。者。世。間。不。少。憶。夜。無。歡。向。春。難。哭。桃。紅。遽。天。竹。翠。長。貧。豈。不。期。人。歌。哭。哉。多。逢。忌。諱。鮮。遘。揄。揚。耽。彼。明。珠。悶。於。黑。水。夫。怨。鳥。遺。音。衰。蓬。振。色。猶。得。激。騷。人。之。雋。齒。鏤。仙。客。之。靈。函。況。貴。本。淑。蘭。賤。同。糞。壤。乎。

陳雲貞

夫戍伊犁雲貞作書寄之義心苦調哀豔動人

寄外書

妹雲貞端肅。檢衽再拜。致候秋塘。哥哥安履。憶自風亭分手。彈指十年。遠塞羈愁。空懷歲月。長門幽恨。莫數晨昏。然母親膝前。兒女團圓。尚可寬慰。哥哥隻身孤戍。依人作計。誰與爲歡。問暖噓寒。窺飢探渴。涼涼踽踽。未知消受幾許。淒其貞雖不能縱萬里之身。續一夕之好。而離魂斷。夢常繞左右矣。思君十二迴腸。九折豈虛語哉。別來七奉手札。僅復三函。使固罕逢。筆尤難罄。單詞片語。未足慰雙撐盼睫也。前歲五月六日。得一密信。四爺處送書之日。適貞臥病之時。投遞參差。幾成不測。幸蓮姐解人覷破。支吾遮掩。得以解紛。不覺冷汗涔涔。二豎登然告退。伏枕誦讀。欣感交集。少頃母親折書揚畔。笑語貞云。錦兒脫罪偏隅。歸期可望。來稟頗愧悔。自想已磨折。悛改。我今已憐之矣。是皆哥哥孝思所感。不然。此恩正未易施也。戊申七月。託勞姓所寄書。備述別後景況。自此五易寒暑。中間情景。大概寄知。新阡樹木成林。圍牆完固。歲時伏臘。瞻拜如常。湖水平遭。不相侵害。可以放懷。母親杖履優游。飲食猶昔。惟痰症時作。精神稍衰耳。親族中概同陌路。大姊夫大姊姊。雖不甚零落。亦無大照拂。二姊夫已故。二姊姊尙留都下。六妹妹遠在楚省。音問久疎。翼廷大兄。人雖刻薄。但爲母親所依賴。嗣後書來。總以一味感歎。庶可

不失歡心。至負義人。今已移居他所。不及提防。萋菲之言。曖昧之事。難免聳惑於哥哥。貞惟忍性堅心。立定腳跟。期盡吾之所當盡。至於青蠅牆茨之詩。信與不信。又何敢必。總之瓊女而在。尙可爲解。不幸又於去年八月出疹。冒風以死。十五年。此離辛苦。盡付東流。草草治棺。瘞於塋側。猶記沒之前夕。捧貞頰而啼曰。爹爹離家已久。兒沒後。萬不可寄語及他。今憶此言。不禁淚如泉湧。何止殘稿遺書。驚心欲碎。零脂剩粉。觸目蘭摧耶。丁郎讀書。頗有父風。然恃聰明而欠沈潛。務高遠而不咀嚼。詩詞有新詠之句。制藝則剝雜不純。青青子矜。初非館閣中人士也。來書詢其所師。舞勺以前。皆貞口授。經史詩詞。略知大義。庚戌仲春。始就楊先生學。捉筆爲文。是秋卽已了篇。其後楊先生選教諭去。至今皆卜權齋訓迪。教浮頗嚴。貞亦不敢稍假辭色。課餘之下。仍以詩詞試之。不留餘力。惟母親姑息太甚。殊多窒礙。奈何奈何。貞母於壬秋患病。延至癸春二月六日。遽爾長逝。而老人一生血脈。惟貞一綫之存。不料六十年鏡花水月。情深半子。能不酸楚耶。壻弟原非己出。漠不相關。祇知搜索家貲。良可痛恨。貞自遭此變。愈覺難堪。顆粒縷絲。一無所出。家務母親經理。歲入不敷。貞屢求典售。而又不忍輕去。徒令侵吞剝削。多致荒

廢。房屋欹傾。過半復被負義人據爲己有。折變一空。僅留敗屋數椽。聊蔽風雨。大非昔時景況。從前緩急可商之處。近皆裹足不前。遇有急需。貞亦不輕啓齒。正恐不惟無濟。反遭非笑。馮郭西絕跡多年。間承四妹霞姑投以詩物。并詢哥哥消息。情意頗真。些小通融。尙可資助。第恐日久漸疎。難保始終如一耳。而其肫肫懷急之忱。未可負之。前次囑帶瓶口扇套鞋襪筆茶諸物。盡爲負義人賺去。言之恨恨。貞邇來兩餐之外。不能稍自舒展。嫁筭奩具。陸續盡歸質庫。頻年已生之補綴。蓮姐之盤纏。丁郎之膏火。束脩瓊女之釵釧鞋脚。在在皆挖肉補瘡所辦也。况問安侍寢。未敢偶離怡色柔聲。猶虞獲咎。卽飲食衣服。儉則負嗇吝之嫌。費又受奢侈之責。素則云樸陋無色。艷則冶容誨淫。非詬誶相加。卽夏楚從事。求有一日之承歡。亦不可得。貞年逾三十。非復少時。使兒女家人見之。有何面目。結褵之始。筆墨爲命。拈毫橫笛。唱隨幾及十年。一旦飛梗蓬飄。往事不堪回首。簫聲研跡。久已荒疎。縱有和章。不過勉強承命。吟風弄月之句。斷不敢形於毫端。顧影自憐。可勝悲咽。蓮姐自壬夏摘花受逼之後。其志益堅。雨榻風櫺。寒砧烟火。甘苦與共。形影相隨。此貞今世之綴榴。而哥哥他年之桃葉耳。高魁顏忠。賀花兒等。祇知迎合。

上意計飽私囊。其素芝碧桃輩。鈎深索隱。播弄如簧。尤爲腹心之患。此狂奴故態。又何足道。惟
有委曲將就。飫以好言。博一時清淨而已。去年四爺遣人自伊犁來。傳述哥哥敗檢之事。并云
一年之中。若肯節省。尙可餘二三百金。幸負義人未將此語上稟。而貞初猶不信也。徐思哥哥
賦性疎狂。未展才華。復經大難。一朝失足。萬念俱灰。又有何心矜持名節。且棲身異域。舉目誰
親。月夕花晨。酒闌燈炮。呼盧排悶。擁妓消愁。亦旅人常事。或值多情倩女。知音嫠婦。彼美憐才
書生結習。未能免俗。聊復爾爾。貞方痛憫不暇。焉敢效妒婦口吻。涉筆規諷耶。惟念哥哥身非
強健。情復憨癡。彼若果以心傾。何妨竟爲情死。特思口饒齒蜜。腹劍腸冰。徒耗有用之精神。反
受無窮之魔障。私心自揣。殊爲君憂。况麴蘖迷心。兼能病腹。擣菹遊戲。更喪令名。些小儻來之
財。何足爲計。所慮哥哥千金之體。甘自頽唐。反不若貞之釜蟻餘生。尙知自愛者。何哉。來書云。
三月適館春齋。六月仍回故地。此中原委。未得其詳。哥哥旣與四爺爲骨肉之久。相依邸舍。便
可爲家。何必舍此他圖。別生枝節。况去之未交。旋復歸來。則貞所不能解者。大丈夫處世。怨固
不可深結。恩亦不宜過求。未曾拜德之前。先思圖報之地。四爺豪俠。人所共稱。但其癡意柔情。

殆亦堪憐堪笑。自問與之莫逆。貞卽探其爲人。雖非上游。然心跡可取。超拔哥哥於苦海中而
噓拂之。酌報之機。貞心早爲區畫矣。相隔萬餘里。忽東忽西。萍跡無定。空致魚書。未瞻雁足。卽
有薄裹微貲。亦不敢徑行遠寄。恐蹈故轍。轉使空函莫達也。去春有查辦回藉恩旨。惜未能被
及。然此後機緣。大有可望。十年期滿。定遇赦歸。諸凡隨遇而安。耐心以守。鸞臺珠浦。我兩人寧
終無團圓時耶。每念弱草微塵。百年一瞬。夢幻泡影。豈能久留。生死兩途。思之已熟。別後况味。
不減夜臺。現在光陰。幾同羅刹。何難一揮慧劍。超入清涼。奈綠葉如絲。牢牢縛足。不得不留此
軀壳。鬼渾排場。冀了一面之緣。不負數年一苦。他年白頭無恙。孺子有成。大事一肩。雙手交卸。
貞心不大快哉。故今者哥哥一日未歸。此擔一日不容放下也。六弟自上江來。猝聞有回伊之
便。掩戶挑燈。疾書密寄。淚痕滿紙。神魂遄飛。計書到日。開緘當在黃梅。想哥哥閱之心與俱酸
也。附詩六章。聊以言志。信手拈來。亦是一幅血淚圖耳。詩一。搔手雲天接大荒。伊人秋水正茫
茫。可憐遠道頻年夢。幾斷深閨九曲腸。并白敢云虧婦道。荻丸聊以繼書香。孝慈兩字今無負。
卽此猶堪報數行。二。鶯花零落懶拏幃。怕見簾前燕子飛。鏡裏漸斑新鬢角。客中應減舊腰圍。

百年幻夢新如寄。一綫餘生命亦微。強笑恐違慈母命。藥囊偷典嫁時衣。三十五嬌兒付水流。綠窗不復喚梳頭。殘脂賸粉盤絲閣。碎墨零香問字樓。千種淒涼千種恨。一分憔悴一分愁。儂親亦未終儂養。似此空花合六休。四當時夢裏喚真真。此際迢迢若比憐。愛寫團團違字讖。偷占榮樂視花神。那堪失意飄零日。解得關心屬望人。別有憐才惟一語。來年消瘦恐傷春。五。早自甘心百不如。肩勞任怨敢欬歔。迷離摸索隨君夢。顛倒尋求寄妾詩。粧閣早經疎筆墨。簫聲久已謝庭除。讒言休擾離人耳。猶是堅貞待字初。六。未會蘸墨意先癡。一字剛成血幾絲。淚縱能乾終有跡。語多難寄反無詞。十年別緒春蠶老。萬里羈愁塞雁遲。封罷小窗人靜悄。斷烟冷露阿誰知。甲寅嘉平朔夕。雲貞再拜上。

黃瓊蘭

號天香廣西懷集縣人陳鹿圃孀婦之婢美丰姿寡言笑攻書能詩年十七鹿圃季兄華亭聘為側室後因他事中止遂寢其議瓊蘭寓書華亭此篇乃

其原稿也

寄陳郎書

妾本青衣薄施紅粉。幸憑月老得遇玉郎。兩日趨陪愧寸衷之莫達。百年締好寄尺素以微傳。

想郎乃穎川名士。素讀詩書。在妾亦江夏遺嬰。頗知禮義。雖鬻身於繡閣。當矢十年不字之貞。既屬意於朱門。益凜二夫不事之義。三生不上。早結良緣。百劫塵中。遂成夙契。一言甫定。雙璧欣投。郎意已堅。妾心亦慰。視紅拂之私奔。勝之遠矣。比綠珠之厚幣。誠何讓焉。所可慮者。夫人鮮膠木之恩。小星安賦。猶可冀者。君子有關雎之化。江汜堪歌。伏乞垂憐弱質。不難指天日。以盟抑或背棄前言。亦惟與鏡釵俱碎。夜如何其。空聽雞聲。以不寐。歲聿云暮。翹瞻馬首。以難回。妾淚如珠。濕紅箋於此日。郎門如海。駕烏鵲以何時。昔曾晤自尊前。謾詡空羣之驥。今豈置之爨下。莫收焦尾之桐。敬致雁書。思融魚水。倘諧琴瑟。願抱衾裯。郎謂如何。妾言不盡。

管懷珠

上元管同女適同里曹士鶴士鶴以清澗縣令奉諱服闋赴部需次懷珠家居聞城陷自經死先期作書與夫訣

與夫訣書

妾管懷珠。檢衽季臯夫子清覽。違別以來。思有萬緒。日望夫子早日補官。同到秦中。合家完聚。何期逆匪猖狂。直抵金陵。伏念舉家共沐國恩。萬一危城不保。更有何地可以藏身。無如人心皇皇。爭欲爲遷避之計。現已移寓鷹揚營蔡姓園戶屋內。此非妾之意也。茲聞賊氛日熾。危在

旦夕。妾以死自誓。斷不為小醜所屈。伏念得侍箕帚十餘年。未有絲毫裨益於夫子。祇此為國捐軀。差堪仰慰耳。惟願夫子努力功名。勿復以妾為念。臨祇嗚咽。書不盡言。

林氏

林忠公則徐女。江西巡撫沈文肅葆禎妻。南昌圍急時。林氏血書乞師。越三日。張玉良軍至。得解圍焉。

與圍城中咬指乞援張玉良軍門書

南昌危在旦夕。賊會糾眾七萬。百道進攻。氏夫幼丹。往商薛中丞離省。全城男婦數十萬生命。存亡呼吸。將軍昔以三千眾而解嘉興之圍。奇勇奇功。朝野傾服。今聞駐節漢沔。距南昌一衣帶水耳。氏嚙血求援。長跼待命。生死人而肉白骨。是所望於將軍。

傅鸞祥

金陵女子。有殊色。工詞翰。洪秀全嬖之。使掌理制誥事。

上洪秀全啓

竊臣妾以蒲柳陋姿。過蒙恩寵。奉侍無狀。深懼干犯天威。致罹重譴。乃承覆載鴻慈。曲宥臣妾。僅予貶居曲院。由二月初五旨下。迄今已逾二十日矣。嗟嗟望昭陽之日影。愧玉顏不及寒鴉。瞻太液之波光。倚修竹自憐翠袖。方謂長門寂寂。度夜如年。永巷沈沈。見天無日。乃蒙官婢林

小紅傳旨垂問。并恩賜鮫帕一力。明珠一粒。祇領之重。感繼以泣。昔江采蘋答明皇有云。長門鎮日無梳洗。何必珍珠慰寂寥。妾則以爲寂寥之慰。陛下非明皇也。况鮫帕爲千絲織就。含纏綿宛轉之思。明珠非九曲穿成。寓皎潔光明之意。臣妾何人。敢蒙垂念。謹獻上指甲一枚。青絲一縷。以表妾悔罪之忱。以示妾感恩之意。



中華民國七十九年九月廿八日

國家圖書館



001688969



6.1
49

籍